

N_DILA YE MURUNWA A D_A

KHA N_NE, NA NDAELA YAWE

Huno khamusi vharathu vha... Huno ndi vhona thiphirikhoda dzi re na tshivhalo fhasi henehfa, huno dzi do rikhoda heli, ngangoho. Tshifhinga tshiñwe na tshiñwe arali ni tshi ḥodou qivha fhedzi zwe Muya Mukhethwa wa ni vhudza, vhonani vharathu hafhano vhane vha na hedzi thiphirikhoda, vha a dzi humisela murahu vha vhuya vha fhirela phanda, uri ni kone u wana fhungo lanu lonelone. Huno lavhelesani ni dovhe ni vhone uri naa a zwi bveleli nga u tou ralo fhedzi nga ndila ye La zwi amba, ni a vhona. Musi ni tshi pfa li tshi ri "MURENA Ú RALO, 'Tshiñwe tshithu, kana hetshi tshi nga ndila *heyi*,'" kana ni zwi sedzuluse fhedzi ni vhone arali zwi zwone kana zwi si zwone. Ni a vhona? Zwo ralo misi yothe.

² Zwino, uri ri wane fhedzi ndivhonyana ya mafhungo... Huno ndo takala madekwana ano ngauri a ri gathi hafhano. Ri vhathe vha haya fhedzi, kani a ri vhone? A hu na, vhatseinda, kha riñe. A ri... Ndi nga kha di shumisa luambo lwanga lwa Kentucky nda dipfela ndi hayani zwino, ngauri ri—ri tou vha fhedzi... Huno zwino a thi khou nyadza Kentucky, arali hu na muriwe fhano a no bva Kentucky. Hu na muriwe fhano a no bva Kentucky? Imisani tshanda tshanu. Ambani! Ndi tea u pfa ndi hayani, kani a tho ngo tea? Zwo luga nga maanda.

³ Mme anga vho vha vhe na nn̄du ya u hirisa. Huno nda tsela fhasi henengei nga liñwe quvha u ḥodisisa... Henehfo ho vha hu na tshigwada tshihulwane tsha vhanna vho hiraho henehfo, hu na ḥafula lihulwane, lilapfu li re na zwidulo. Huno nda ri, "Ndi vhangana fhano vha no bva Kentucky, takuwani." Muñwe na muñwe a takuwa. Huno nda ya tshivhidzoni vhusiku honoho, tshivhidzo tshanga, huno nda ri, "Ndi vhangana fhano vha no bva Kentucky?" Muñwe na muñwe a takuwa. Ngauralo nda tea uri, "Zwo luga, hezwo ndi zwavhuq̄i nga maanda." Vharumiwa vho ita mushumo wavhud̄i, ngauralo ri a u livhuha.

⁴ Zwino, Buguni ya Vharoma, ndima ya 11 na ndimana ya 28. Thetshellesani nga vhuronwane u vhalwa ha Luñwalo.

Nge Vhaisraele vha nyadza, mafhungo-madifha muga ndi maswina a Mudzimu, hu u itela vho inwi; hone nge vha nangiwa, ndi vha funwa vha... hu u itela vho-khotsi.

Ngauri, Mudzimu arali o kovhela muthu tshilidzi, o mu vhidza, ha iti a tshi humisa.

⁵ Kha ri rabele. Murena, ri farise madekwana ano zwino ri tshi sendela heli nga khuliso, nga mbilu dzashu dzothe, nga u fulufhedzea, ndi u itela vhugala Hau fhedzi zwithu izwi zwi tshi bulwa. Huno mpfarise, Murena, u vhee fhedzi kha ngelekanyo yanga zwithu zwine zwa tea u ambiwa na uri hu ambiwe zwingafhani. Nkaidze musi tshifhinga Tshau tsho swika. Ndi humbela zwauri mbilu iñwe na iñwe i ḥanganedze hezwi u thusa vhalwadze na vhane vha lila ngomu kha gogo heli lo thetshellesaho. Ngauri ndi humbela Dzinani la Yesu Kristo. Amene.

⁶ Zwino, ndi khou ḥoda u thoma heyi theri musi ri tshi kha di vha vha si gathi. Huno—huno ndi do lingedza uri ndi sa ni dzhiele tshifhinga tshilapfu nga maanda, ndi do vhea watshi yanga hafha nda lingedza nga hune nda kona u ni vhofholola nga tshifhinga tshavhudi uri ni kone u vhuya matshelo vhusiku. Zwino, ivhani thabeloni. A thi humbuli uri mutukana o vhuya a nea vhathu garaṭa. A tho ngo vhuya nda mu vhudzisa zwauri o... Huno arali vha songo ita kana vha vha vho ita kana vha songo ita, a zwi na ndavha. Naho zwo ralo ri na garaṭa ngomu heneffa arali ri tshi tea u vhidza vhañwe. Ngauralo, arali zwi so ngo ralo, mulandu, ri do tou vhona fhedzi zwine Muya Mukhethwa wa amba.

⁷ Zwino, arali na thetshellesa zwavhudi... Zwino, heli li nga kha di...sa izwo ndi... A ri gathi hafhano, ndi tshifhinga tshavhudi u amba heli, ngauri li—li kwama vhuthu hanga. Huno ndi ngazwo ndo vhala Luñwalo ulu madekwana ano, uri ni kone u vhona zwauri mikovhe na mbidzo a si zwithu zwine muñwe a nga vha nazwo nga u tou zwi shumela.

⁸ Paulo a tshi amba hafhano, o ri, “Vhayuda, u ya nga Tshedza tsha Mafhungo-Madifha, vho swingiswa nahone vha kule ha Mudzimu, hezwo, hu tshi itelwa riñe.” Fhedzi ndimana i re phanḍa ha heyo, yo ri, “Vhaisraele vhoṭhe vha do tshidzwa.” Vhaisraele vhoṭhe vha do tshidzwa. U ya nga ha khetho, Mudzimu Khotsi o vha funa a dovha a vha swingisa uri riñe Vhannda ri kone u wana tshifhinga tsha u shanduka zwino, uri, nga Abrahamu, Mbeu yawe a do kona u fhaṭutshedza liphasi loṭhe u ya nga Ipfi lawe. Naa ni a vhona zwine vhuhulwané ha Mudzimu ha vha ngaho? Ipfi lawe lo tea u tou ralo. Ha koni u vha tshiñwe tshithu-vho. Huno zwino riñe, nga... Mudzimu o ri nanga; O nanga Muyuda; nahone O...

⁹ Hezwi zwithu zweṭhe ndi ndivho ya Mudzimu ya u dzula o zwi ñivha. Musi A tshi amba nga ha zwe zwa do vha hone, O vha o no zwi ñivha. Zwino, uri Mudzimu, a kone u vha Mudzimu, mathomoni O do tea u ñivha vhufhelo kana O vha a si Mudzimu a si na magumo. Mudzimu ha takaleli na muthihi a tshi xela. Na khathihi! Ha takaleli na muthihi a tshi xela. Fhedzi u rangani ha mathomoni a maduvha, li—liphasi, Mudzimu o ñivha zwa vhukuma uri ndi nnyi a no do tshidzwa na zwauri ndi nnyi a

no do latwa. O vha a sa todì vhathu vha tshi xela, "A si lufuno Lwawe uri muñwe a xele, fhedzi ndi lufuno Lwawe u tshidza muñwe na muñwe," fhedzi O zwi ñivha u bva mathomoni uri ndi nnyi a no do na ane a sa do. Ndi zwe ngazwo O kona u amba zwi sa athu bvelela, "*Hetshi* tshithu tshi do itea. *Hetshila* tshi do itea," kana "*Hetshi* tshi do vha *hetshila*. *Hoyu* muthu u do vha nga ndila *heiña*." Ni a vhona?

¹⁰ O kona u dzula o zwi ñivha ngauri Ha na magumo. Arali ni tshi ñivha uri zwi amba mini, hezwo i tou vha fhedzi uri, "a hu na tshine A si tshi ñivhe." Ni a vhona, U a ñivha. Ndi zwone, a hu na tshithu u rangani ha tshifhinga, na nga murahu ha musi hu si tshe na tshifhinga, ni a vhona, U kha di ñivha tshinwe na tshinwe. Tshinwe na tshinwe tshi kha ngelekanyo Yawe. Huno samusi Paulo o amba kha Vharoma, kha ndimana ya 8 na 9, "Zwino ndi nga'ni a kha di wana mulandu?" Ngauralo helo ri a li vhona, fhedzi Mudzimu . . .

¹¹ Vhunga u rera Mafhungo-Madifha. Muñwe o ri, "Mukomana Branham, Ilo vha a li tenda naa?"

Nda ri, "Vhonani."

A ri, "Vha fanela u vha vhe Mukhalivinisi."

Nda ri, "Ndi Mukhalivinisi tshifhinga tshothe Mukhalivinisi e ngomu Bivhilini."

¹² Zwino, hu na davhi kha Muri, helo ndi Khalivinizimu, fhedzi-ha hu na matavhi manzhi, kha Muri-who. Muri-ha u na matavhi a fhiraho lithihi. Ene o todà fhedzi u li tshimbidza henengei nnà a li dzenisa kha Tsireledzo ya Tshothe, huno nga murahu ha tshifhinga na ya phanda na dzenisa kha Univesalizimu huno na li litsha huñwe nnà henengeo, lone a li na magumo. Fhedzi musi ni tshi fhedza nga ha Khalivinizimu, vhuyani hafhu ni thome kha Aminianizimu. Ni a vhona, hu na liñwe davhi kha Muri, na liñwe davhi hafhu kha Muri, ngauralo na ngauralo. Hetsho tshithu tshothe tshi ita Muri. Ngauralo ndi a tenda kha-kha . . . Khalivinizimu tshifhinga tshothe arali i tshi dzula i hone Luñwaloni.

¹³ Huno ndi tenda zwauri Mudzimu o ñivha musi lifhasi li sa athu sika, a nanga Tshivhidzo Tshawe kha Kristo, a ita Kristo tshithavhelo shango li sa athu tewa. Luñwalo lu ralo, "O vha e Ngwana ya Mudzimu yo vhulahwaho lifhasi li sa athu tewa." Ni a vhona? Huno Yesu o amba zwauri O ri ñivha lifhasi li sa athu sika, Paulo o amba uri, "O—O ri ñivha na u ri ta uri ri do wana hana nga Yesu Kristo lifhasi li sa athu sika." Hoyo ndi Mudzimu. Ndi Khotsi ashu. Ni a vhona?

¹⁴ Ngauralo ni songo vhilahela, malinga a khou mona zwavhuði, tshinwe na tshinwe tshi khou bvelela nga tshifhinga. Tshine tsha vha hone, ndi uri, ni dzenisa kha u mona hao. Huno itsho ndi—ndi tshipida tshavhuði nga hao, zwenezwo ni a ñivha uri ni tea u tshimbila hani musi ni tshi dzenisa kha u mona hao.

¹⁵ Zwino, dzhiani nzhele, “Mikovhe na mbidzo a zwi na tshanduko,” heyo ndi yone ndila i yothe ye nda vha ndi tshi nga—nga vhea mbidzo yanga Murenani u ya nga Mañwalo. Huno ndi fulufhela uri ndi na khonani madekwana ano dzine zwa vhukuma dza do pfecta heli nahone dza si elekanye zwauri li kwama dzone, fhedzi na vha na u ṭalukanya na divha fhedzi uri ndi mini—tshe Murena a ri U do ita, na wana tshiñwe tshi tshi khou itea na tshi tevhela.

¹⁶ Zwino, u rangani, tshithu tsha u thoma tshine ndi nga kona u tshi elelwa ndi bono. Tshithu tsha u thoma tshine nda kona u tshi humbula muhumbuloni wanga ndi bono le Murena a nn̄ea. Huno hezwo two itea miñwahani, minzhiminzhī yo fhiraho, ndo vha ndi mutukana muñkuñku. Huno ndo vha ndi na tombo tshanđani tshanga.

¹⁷ Zwino, ni mpfarele, ndi humbula musi ndo vha ndo ambara rokho ndapfu. A thi divhi uri kana no (muñwe wa vho inwi nothe) vha no no aluwa lu eðanaho u elelwa musi vhatukana vhañku vha tshi anzela u ambara rokho ndapfu. Ndi vhangana ngomu fhano vha elelwaho musi vhana vho ambara, ee, rokho ndapfu? Ndi zwone, ndi khou kona u humbula, ngomu ronðavhulani yanga ñukhu ya kale henengei he ra vha ri tshi dzula, ndo vha ndi tshi khou swenda. Huno ho vha na muñwe muthu, a thi divhi uri ho vha hu nnyi, we a dzhena. Huno Mma vho vha vho rungelela riboni ñukhu—ñukhu ya lutombo rokhoni yanga. Huno ndo vha ndi sa athu kona u tshimbila. Fhedzi nga hetsho tshifhinga ndo vha ndi tshi khou swenda, huno nda dzenisa munwe wanga ngomu ha mahāda milenzheni yavho, huno ndo vha ndi tshi khou la mahāda a re kha mulenzhe wavho vho ima nga thungo ha tshivhaso, vha tshi khou ora mulilo. Ndi elelwa mme anga vha tshi mphandela tshone.

¹⁸ Huno tshi tevhelaho tshine nda tshi humbula, hu tea u vha ho vha ho no fhela miñwaha mivhili, ndo vha ndo fara tombo lñuku. Huno ndi nga vha ndo vha ndi tshi ñodou vha na miñwaha miraru, huno murathu wanga muñku o vha a sa athu swika miñwaha mivhili. Huno ngauralo ro vha ri nn̄da nga murahu dzharañani he ha vha hu na dzharañani ya kale i re na mafhanelo he vha vha tshi anzela u disa khuni hone vha dzi phapha. Ndi vhangana vha elelwaho ala maðuvha a musi ni tshi anzela u kokodza khuni ngei murahu dzharañani na dzi fhanza? Ndi nga’ni ndo vhofha thai hafhu madekwana ano? Ndi—ndi pfa ndi hayani tshothe.

¹⁹ Huno musi vha tshi... Henengei nn̄da dzharañani ya kale ya mafhanelo ho vha hu na mulambwanā we wa vha u tshi elela fhasi henengei, u tshi bva tshisimani. Ro vha ri na khavho ya kale henengei tshisimani he ra vha ri tshi ka maði ashu ra a shela bakhetheni la kale, bakhethi la kale la sedara, ra dovha ra i tsitsela fhasi.

²⁰ Ndi humbula tshifhinga tsho fhiraho ndi tshi vhona makhulu wanga muṭuku, vha kale vha sa athu lovha, vho vha vhe na miñwaha ya ḋana na fumi. Huno musi vha tshi lovha, ndo vha takula nga zwanda zwanga nda vha fara nga ndila heyi phandanyana ha musi vha tshi lovha. Vha nkuvhatedza, huno vha ri, “Mudzimu a fhaṭutshedze muya waṇu, ḋinga ṥa mbilu yanga, zwino na u ya nga hu sa fheli,” musi vha tshi lovha.

²¹ Huno a thi humbuli uri mufumakadzi avho vho vhuya vha vha na—na phere ya zwienda ine ya vha yavho, vhutshiloni havho. Huno ndi elelwa ndi tshi vha lavhelesa, na musi ndi tshi kha ḋi vha munna muswa, ndo vha ndi tshi tsa nda yo vha vhona, matsheloni mañwe na mañwe vho vha vha tshi vuwa, milenzheni vha songo ambara tshithu, huno vha tshimbila vhukati ha ḥala mahaḍa u swika tshisimani, vha dzhia bakhethe ṥa madi vha vhuya, milenzhe yavho i tshi tou vha ngomu henehfaḥa. Ngauralo a ḥi ni vhaisi, vho tshila vha swika miñwaha ya ḋana na fumi. Ngauralo (ee, muñe wanga) vho vha vho, vho khwaṭha nga maanḍa, na vhone.

²² Ngauralo-ha ndi elelwa musi vha tshi khou ya u mmbudza nga ha mimabuli ya khotsi anga ye vha vha vha tshi i tambisa musi vha tshi kha ḋi vha mutukana. “Huno avho muthu wa vhathu wa kale,” nda humbula, “vha ḫo vuwa hani ngomu kha tshiṭa tshikhala?” Mukhukhu muṭuku, u re na phera mbili, huno wo vha u na tshikhala nga n̄ha. Huno vho vha vho rema miri miṭuku mivhili, ha itwa na ḥeri, ya u gonyela n̄ha. Ndi zwone, nda ri...

²³ Ngauralo, zwino, vha ri, “Zwino, nga murahu ha tshisiwiṭulo ndi ḫo ni vhudza, nda ni sumbedza mimabuli ya—ya khotsi anu.”

Huno nda ri, “Zwo luga.”

²⁴ Ngauralo vho vha vha tshi khou ya u ntsumbedza yone, ngomu thiranngathinini ngei tshifhaṭoni tsha n̄ha he vha vha vha tshi vhea zwithu zwavho kule u fana na zwine vhathu vhahulwane vha ita. Huno nda elekanya, “Avho muthu wa vhathu wa kale vha ḫo gonya hani ḥeri?” Ngauralo nda mbo ya henehfaḥa nda ri, “Makhulu,” nda ri, “zwino, kha vha lindele, ḋinga ṥa mbilu yanga, ndi ḫo gonya hafha nda vha thusa.”

²⁵ Vha ri, “Imani nga thungo.” Vho mbo gonya ḥla ḥeri vhunga tshisindi. Vha ri, “Ho luga, idani!”

Huno nda ri, “Zwo luga, Makhulu.”

²⁶ Nda elekanya, “Yawee, nandi, arali ndi tshi nga tou vha ngauralo, hayo maanḍa mangafho e kha n̄ne ndi sa athu swika miñwaha ya ḋana na fumi!”

²⁷ Zwino, ndi elelwa musi ndi tshisimani itshi tshiṭuku tsha kale, ndo fara tombo nahone ndi tshi ḥi posela phasi nga ndila heyi, ngomu thopheni, ndi tshi khou lingedza u sumbedza murathu wanga uri ndo khwaṭha hani. Huno ho vha hu na

tshinoni tsho kavhaho kha muri nahone tsho vha tshi tshi sokou imbaimbaba, tshi tshi thukhula fhala na fhala, tshi robini thukhu ya kale kana tshiñwe tshithu. Huno, nda humbula uri, iyo robini thukhu yo amba na nne. Nda rembuluwa nda thetshelesa, tshinoni itsho tsha fhufha, Ipfi la ri, “Ni khou ya u fhedza tshipiða tshihulwane tsha vhutshilo hanu tsini ha mudi u no vhidzwa New Albany.”

²⁸ Ndi maela tharu u bva he nda alutshela hone. Nda ya, hu tshi ḥodou fhela nwaha, heneffho fhethu, ndi si na na muhumbulo wa u ya . . . New Albany. Zwenezwo vhutshilo vhu tshi bvela phanda, nga ndila ye zwila zwithu . . .

²⁹ Zwino, vhonani, vhathu vha hashu vho vha vha si vhatendi. Khotsi anga na mme anga vho vha vha sa yi tshivhidzoni. U rangani, vho vha vhe Vhakaṭolika.

³⁰ Kuduhulu kwanga kwo dzulaho huñwe-vho hafha ngomu ano madekwana, ndi khou tou humbulela, a thi divhī. Ndi swole. Ndi khou mu rabelela. Ene ndi Mukatolika, u kha di vha Mukatolika. Huno madekwe, musi o vha e fhano o vhona ila mishumo ya Mudzimu, o ima heneffala kha pulatifomo. A amba, musi o ima heneffala, huno a ri, “Malume Bill?” O vha o fhedza tshifhinga tshilapfu e seli ha lwanzhe, a ri, “Musi ndo no vhona zwila . . .” A ri, “Hezwo—hezwo a zwi itei ngomu tshivhidzoni tsha Katolika.” A ri, “Hezwo . . . Ndi—ndi a tenda, Malume Bill, vho kona,” a ralo.

³¹ Huno ngauralo nda ri, “Dinga la mbilu yanga, a si nne ndo konaho, ndi Ene o konaho. Ni a vhona, ndi Ene o konaho.” Huno ngauralo a ri o . . . Nda ri, “Zwino, a thi khou ni humbela u ita tshiñwe tshithu, Melvin, fhedzi itonu shumela Murena Yesu Kristo nga mbilu yanu yothe. Ni ye huñwe na huñwe hune na funa. Fhedzi ivhani na vhutanzi ha uri mbiluni yanu Yesu Kristo o bebwahafhu, ni a vhona, mbiluni yanu. Zwino nga murahu ha hezwo ni nga ya kha tshivhidzo tshire na tshi takalela.”

³² Zwino, vhathu vho vhaho hone phanda hanga vho vha vhe Vhakaṭolika. Khotsi anga vho vha vhe Muairishi na mme anga vho vha vhe Muairishi. Tshe tsha dzhenelela kha malofha a Vhuairishi, ndi zwauri makhulukuku wanga vho vha vhe Mutshiroki Indiana. Mme anga vho ḥodou vha vha malofha o vangananaho. Huno ngauralo zwenezwo nne . . . kha nne, ndi wa . . . murafho washu, nga murahu ha musi miraru yo no di fhira. Fhedzi hetsho ndi tshone fhedzi tsho piringedzaho uri vha vhe Muairishi vhukuma, Harvey na Branham o vha e madzina. Huno nga murahu ha ayo ho vha hu na la Lyons, line la kha di vha la Tshairishi. Huno vhothe vho vha vhe Vhakaṭolika. Fhedzi nne, a ro ngo aluswa nga ndila ya tshitendi kana ya pfunzo, sa vhana.

³³ Fhedzi ila mikovhe, ala mabono, ndo vhona mabono tshifhingani itsho u fana na zwino, ndi zwone, ngauri mikovhe

na mbidzo a zwi shandukiswi. Ndi ndivho ya Mudzimu ya u divha zwine zwa do itea, Mudzimu a tshi ita tshiñwe tshithu. Vhutshiloni hoþhe ndo vha ndi tshi ofha u amba tshithu nga hazwo.

³⁴ No no vhala nganea yanga kubuguni ku no pfi *Yesu Kristo A Sa Shanduki Wa Mulovha, Namusi, Na U Ya Nga Hu Sa Fheli*. Ndi humbula zwaauri i kha dziñwe bugu, hedzi dziñwe. Naa ndi zwone, Gene? I kha iyi, yo ðoweleaho—bugu yo ðoweleaho, ngomu—ngomu kha bugu ine ra vha nayo zwino? Naa ndi, *Nganeavhutshilo?* Ndi humbula uri ndi yone. Zwenezwo musi ro no... Naa a zwe ngo vhifha? Bugu dzanga, a thi athu na u dzi vhala nne muñe. Fhedzi muñwe muthu u a dzi ñwala, ngauralo zwenezwo hu na tshiñwe tshire vha dzhia ngomu tshumeloni. Ndo no fhira kha helo, ngauralo ndi dzulela u lavhelela u itea ha tshiñwe tshithu. Zwenezwo, ngauralo, ndi dzavhudi, ndo no vhala zwipiða zwadzo zwino, afha na fhaða, musi ndi tshi wana tshifhinga.

³⁵ Huno zwino, naho zwe ralo, sa—sa mutukana muñku, ni a ñivha uri bono lo amba na nne hani, ndo vha ndi tshi ñdou fara ñwaha wa vhuñanu na vhuñhili, huno lo ri, “Ni songo nwa kana na daha kana na tshikafhadza muvhili wanu nga ndila ifhio na ifhio, hu ño vha na mushumo une na ño tea u ita musi ni tshi vha muhûlwane.” Huno no no zwi pfa zwi tshi ambiwa ngomu buguni. Zwe tou ralo, ndi zwone. Tshifhinga tshoþhe zwa dzula zwe tshi itea.

³⁶ Musi ndi tshi vha mufunzi, ndi a tenda, zwenezwo zwa—zwenezwo zwa thoma ngangoho u bvelela tshifhinga tshoþhe.

³⁷ Huno nne vhuñwe vhusiku nda vhona Murena Yesu washu. Ndi khou amba hezwi nga thendelo, ndi a tenda, i bvaho kha Muya Mukhethwa. Muruñwa wa Murena ane a da a si Murena Yesu. Ha fani Nae kha bono lenelo lithihi. Ngauri, bono le nda li vhona la Murena Yesu, O vha e Munna muñku. O vha a si... Ndo vha ndo ya nnða tsimuni, ndi tshi khou rabelela khotsi anga. Huno nda vhuya nda dzhena nda ya vhulaloni, huno vhusiku honoho nda mu lavhelesa nahone nda—nda ri, “O Mudzimu, mu tshidze!”

³⁸ Mme anga vho vha vho no tshidzwa nahone ndo vha ndo no vha lovchedza. Zwe no ralo nda elekanya, “Yawee, khotsi anga vha nwa u fhira mpimo.” Huno nda elekanya, “Arali ndi tshi nga tou kona u ita uri vha ñanganedze Murena Yesu!” Nda bvela nnða, nda edela fhasi ñha ha mmete muñku wa kale ngomu lufherani lwa phanda, tsini na vothi.

³⁹ Huno Tshiñwe tsha ri kha nne, “Vuwa.” Huno nda vuwa, nda thoma u tshimbila, nda humela murahu tsimuni i re murahu hanga, tsimui ya kale ya muswielo.

⁴⁰ Huno henefhaða, kha khando dzi sa fhiri fumi u bva kha nne, ho vha ho ima Munna; o ambara khanzu tshena, Munna muñku;

o peta zwanda Zwawe nga ndila *heyi*; ndebvu, dzi tshi vhonala dzi pfufhi; mavhudzi o nembelela u swika kha mahada Awe; huno O vha a tshi khou sedza nga thungo hanga, nga ndila *heyi*; tshivhumbeo tshi tshi vhonala tshi na mulalo. Fhedzi a tho ngo kona u zwi pfectesa, uri zwi da hani milenzhe Yawe, muñwe u nga murahu ha muñwe. Huno maya u tshi khou vhudzula, khanzu Yawe i tshi fhefhedza, tshimela tshi tshi dzinginya.

⁴¹ Nda elekanya, “Zwino, lindelani zwiłukunyana.” Nda diluma. Nda ri, “Zwino, a tho ngo edela.” Huno nda kokodzela fhasi, nda kokodza tshipida tshiłuku tsha tshimela nda tshi tumula, ni a divha, tshi na tshipida tshi no nga kutanda kwa u somola. Nda tshi dzhenisa mulomoni wanga. Nda sedza murahu thungo ya nduni. Nda ri, “Hai, ndo vha ndi ngomu henehala ndi tshi khou rabelela khotsi anga, huno Tshiñwe tsha ri bvela nn̄da, huno hafha ho ima Munna hoyu.”

⁴² Nda elekanya, “Hoyo u vhonala a tshi fana na Murena Yesu.” Nda elekanya, “Ndi a mangala uri naa zwo ralo naa?” O vha o lavhelesa thwii, henengei u yela hune nn̄du ya hashu ya vha hone zwino. Ngauralo nda rembuluwa nga ndila *heyi* uri ndi vhone arali ndi tshi do kona u Mu vhone. Huno nga ndila *heyo* nda kona u vhone-ha lurumbu lwa tshifhałuwo Tshawe. Fhedzi A... Nda tea u rembuluwa nga ndila *heyi* uri ndi Mu vhone. Huno nda ri, “Uhm!” Ho ngo vhuya A tsukunya. Huno nda elekanya, “Ndi a tenda zwauri ndi do Mu vhidza.” Huno nda ri, “Yesu.” Huno musi O no ita, A sedza thungo dzothe nga ndila *heyi*. Ndi zwenezwo fhedzi zwine nda zwi elelwa, O tou ḥaramudza zwanda Zwawe fhedzi.

⁴³ A hu na muoli na muthihi zwawe shangoni o konaho u pennda tshifanyiso Tshawe, tshivhumbeo tsha tshifhałuwo Tshawe. Tshavhudisa tshe nda vhuya nda tshi vhone ndi tshiła tsha *Thoho ya Kristo Miñwahani ya Furaruraru* tsha Hofmann, ndi natsho kha mañwalo othe na tshiñwe na tshiñwe tshire nda tshi shumisa. Ndi ngauri hetsho tshi fana natsho, huno ngauralo-ha...kana tshi tsini nga maanda, tsini lune tsha ḥodou vha tshone.

⁴⁴ O vha a tshi vhonala sa (Munna) ane arali A tshi nga amba lifhasi lo vha li tshi nga fhela, huno naho zwo ralo a na lufuno luhulu na vhulenda u swika ni-ni... Nda sokou lavhelesa fhedzi. Huno lo no tsha, nda diwana musi li tshi ḥavha, hemmbe yanga ya vhulalo yo ḥukala nga miłodzi, musi ndi tshi dzivhuluwa, ndi tshi khou tshimbila, vhukati ha tsimu ya muswielo, ndi tshi ya hayani.

⁴⁵ Ndo zwi vhudza inwe khonani yanga ya mufunzi. A ri, “Billy, Hezwo zwi do ni ḥanganya thoho.” A ri, “Hoyo ndi Diabolo” Huno a ri, “Ni songo tambela kha tshithu tshiñwe na tshiñwe tsho rałaho.” Tshifhingani itsho ndo vha ndi mufunzi wa Baphuthisi.

⁴⁶ Zwo ralo, nda ya kha iñwe khonani yanga ya kale. Nda dzula phasi nda i vhudza nga Hazwo. Nda ri, “Murathu, ni elekanya’ni nga Hazwo?”

⁴⁷ A ri, “Ho luga, Billy, ndi do ni vhudza.” A ri, “Ndi tenda uri arali ni tshi ño linga u vhulunga vhutshilo hanu, itonu funza fhedzi zwi re ngomu hafha Bivhilini, tshilidzi tsha Mudzimu na zwiñwe, ndo vha ndi si nga sali murahu tshiñwe tshithu tshi mangadzaho, tshithu tshi fanaho na hetsho.”

⁴⁸ Nda ri, “Muñe wanga, a thi khou amba u tevhelela tshiñwe tshithu tshi mangadzaho.” Nda ri, “Fhongo ndi la uri ndi khou lingedza u todísisa uri itshi ndi mini.”

⁴⁹ A ri, “Billy, miñwahani yo fhiraho vho vha vha tshi anzela u vha na hezwo zwithu ngomu zwivhidzoni. Fhedzi,” a ri, “musi vhaapostola vha tshi guma, hezwo zwithu na zwone zwe guma navho.” Huno a ri, “Zwino tshithihi tshine ra vha natsho tshine. . . iñwe ndila ya u vhona hezwo zwithu,” a ri, “ndi vhoramimuya, madimona.”

Nda ri, “O Murathu McKinney, naa ni khou ralo ngangoho?”

A ri, “Ee, muñe wanga.”

Nda ri, “O Mudzimu, nkhathutshelle!”

⁵⁰ Nda ri, “Ndi—ndi. . . Yawee, Murathu McKinney, naa ni do—naa ni do rabela na nne uri Mudzimu a sa do zwi tendela na khathihi zwi tshi bvelela kha nñe? Ni a zwi ñivha zwauri ndi a Mu funa na zwauri a thi ñodi u vha a re na vhukhakhi kha zwithu hezwi.” Nda ri, “Ni rabele na nñe.”

⁵¹ A ri, “Ndi ño ita ngauralo, Mukomana Billy.” Huno ngauralo ro mbo vha na thabelo henehala ngomu—ngomu nduni ya vhafunzi.

⁵² Ndo humbelia vhafunzi vha re na tshivhalo. Tshithu tshenetsho tshithihi tsha da. Zwenezwo nda ofha u vha vhudzisa, ngauri vho vha vha tshi ño humbula uri nñe ndi muvhì. Ngauralo a—a tho ngo toda u vha ngauralo. Ndo zwi ñivha ngomu mbiluni yanga zwauri tshiñwe tshithu tsho itea. Zwino, ndi zwenezwo fhedzi, ho vha hu na—hu na tsho iteaho mbiluni yanga. Huno a tho ngo ñoda u vha ngauralo, na khathihi.

⁵³ Ngauralo nga murahu ha miñwaha, nda pfa nga linwe duvha ngei kha tshivhidzo tsha U ranga tsha Baphuthisi he nda vha ndi murado nga tshenetsho tshifhinga, nda pfa muñwe a tshi ri, “Dzhiani zwauri, vhusiku ha mulovha no vha no tea u vha no ya henengei na thetshesela vhakhethwa vha vhumbuluwaho.”

⁵⁴ Huno nda elekanya, “Vhakhethwa vha vhumbuluwaho?” Huno khonani yanga, Walt Johnson, a imbahlo nga ipfi lidenya, huno nda ri, “Ho vha hu mini, Murathu Walt?”

A ri, “Tshigwada tsha havha Vhapentekostala.”

Nda ri, “Mini?”

⁵⁵ A ri, “Vhapentekostala!” A ri, “Billy, arali no no vhuya na vha vhona,” a ri, “vho vha vha tshi khou vhumbuluwa fhasi ngaurali nahone vha tshi fhufhela n̄tha na fhasi.” Huno a ri, “Vho ri vha tea u amba nga luñwe lushaka lwa ndimi dzisili kana vho—vho vha vha songo tshidzwa.”

Huno nda ri, “Ndi ngafhi hune tsha vha hone?”

⁵⁶ “Yawee,” a ri, “tshumeloni ya denndenyana ya kale hangei nn̄da, kha liñwe sia la Louisville.” A ri, “Makhaladi, ngangoho.”

Huno nda ri, “Uh-huh.”

Huno a ri, “Hu na vhathu vhatshena vhanzhi henengei.”

Huno nda ri, “Naa vho ita izwo, na vhone-vho?”

A ri, “Ee, ee! Na vhone vho ita, ngauralo.”

⁵⁷ Huno nda ri, “A zwi na sia, vhathu vha didzhenisa kha zwithu zwo ralaho.” Nda ri, “Ndi zwone, ndi elekanya zwauri ri tea u vha na hezwila zwithu.” Nga matsheloni a Swondaha, a thi nga do zwi hangwa. O vha a tshi khou la tshipida tsha ganda lo omaho la swiri a tshi khou itela u shaya tsukanyo yavhuđi ya zwiliwa ye a vha e nayo, huno ndi khou zwi vhona zwavhuđi zwi tshi tou nga ndi zwa mulovha. Huno nda elekanya, “Vha tshi amba nga u tavhanyedza nahone zwi sa pfalesi, vha tshi fhufhela n̄tha na fhasi, naa vha do wana lushaka-de lwa vhurereli ngavhuya?” Huno ngauralo nda—nda bvela phanda.

⁵⁸ U bva afha nga murahu, nda ḥangana na munna wa kale ane khamusi a vha hone fhano tshivhidzoni zwino, kana o vha e fhano a tshi ya tshivhidzoni, dzina ḥawe ndi John Ryan. Huno ndo ḥangana nae fhethu... Munna uyo wa kale e na ndebvu ndapfu na mavhudzi, huno a nga kha di vha e hone fhano. Ndo humbula zwauri o vha a tshi bva Benton Harbor afho n̄tha, N̄duni ya Davida.

⁵⁹ Huno vho vha vhe na fhethu Louisville. Ndo vha ndi tshi khou lingedza u wana havho vhathu, huno vho vha vha tshi hu vhidza Tshikolo tsha Vhaporofita. Ngauralo ndo humbula zwauri ndi do ya nda vhona uri itsho tsho vha tshi mini. Zwo ralo, a tho ngo vhona muthu a tshi vhumbuluwa fhasi, fhedzi vho vha vhe na pfunzo dzi songo ḥoweleaho. Huno henengeyo ndi hone he nda ḥangana na uyu munna wa kale, a nthamba uri ndi mu dalele hune a dzula hone.

⁶⁰ Nda ya u awela. Huno ndo ḥwa henengei ḥuvha ḥithihi, huno nda dovha nda ya n̄duni yawe nda wana o no ḥuwa, huno o vha o ya huriwe fhasi henengei Indianapolis. A ri, “Murena o mu vhidza,” mufumakadzi wawé.

Nda ri, “Ni khou ri no tendela ula munna u shavha ngaurala?”

⁶¹ A ri, “Oo, ndi mulanda wa Mudzimu!” Itshe tshithu tsha vhathu tsha kale tsho lovha vhege dzi si gathi dzo fhiraho, ndi

tshi zwi pfa. Huno o vha o diñekedzela ene. Nnenne, holwo ndi lwone lushaka lwa mufumakadzi ane ni nga vha nae! Ndi zwone. Ndi ngoho kana a si ngoho, u kha ngoho nahoh zwo ralo! Nda ri... Ndi zwone, ndo ñivha zwauri vha...

⁶² Zwino ene... Murathu Ryan, ni hone fhano? Haho fhano. O vha e hone liña ñuvha, kani o vha a siho, vhatukana?

⁶³ Zwo ralo, vha tou tshila nga tshine vha nga tshi wana, huno ene o vha a si na tshine a nga la ngomu nduni. Ndi zwone. Huno ndo vha ndo fasha khovhe tivhani, kana iishani, ngei Michigan, huno nda vhuyeleta phasi—huno nda vhuyeleta phasi ngei fhethu. Huno vho vha vha si na na mapfura zwao a nguluvhe ngomu nduni, kana a phukha, a u bika khovhe. Huno nda ri, “O ni sia ni si na na tshithu ngomu nduni?”

A ri, “Oo, fhedzi ndi mulanda wa Mudzimu, Murathu Bill!”
A ri, “U...”

⁶⁴ Huno nda elekanya, “Ndi zwone, kha vha fhañutshedze mbilu yavho ya kale. Mukomana, ndi ðo vha tikedza ndó khwañtha.” Ndi zwone. “Arali ni tshi elekanya nga maanda nga ha munna wanu, ndo ñiimisela u ima na inwi na u ni tikedza kha heþo.” Ndi zwone. Namusi ri þoda vhafumakadzi vho raþaho vha re na tshivhalo, na vhanna vhanzhi vha no elekanya ñga ha vhafumakadzi vhavho ngauralo. Ndi zwone. Ho vha hu tshi ðo vha Amerika ha khwine arali vhanna na vhafumakadzi vho vha vha tshi ðo tikedzana ngauralo. Vho luga kana vho khakha, dzulani navho. Ho vha hu si nga vhi na þhalano nnzhi ngaurali.

⁶⁵ Ngauralo ro—ro ya ngei... Zwenezwo nda mbo bvela phanda. Huno ndilani ya u ya hayani, zwo vha zwi tshi kanukisa, nda tsa nda buða nga Mishawaka. Huno nda vhona goloi dza kale þukhu—þukhu zwino, dzo ima tshiþaraþani, dzi tshi vhidzwa... zwiga zwi hulwane zwi khadzo zwi tshi ri, “Yesu Fhedzi.” Nda elekanya, “Naa... ‘Yesu Fhedzi,’ hetsho tsho tea u vha tsha vhurereli” Huno nda ya afho he baisigila dza vha dzi natsho, “Yesu Fhedzi.” Dži-Cadillacs, Model-T Fords, tshinwe na tshinwe, “Yesu Fhedzi” khatsho. Nda elekanya, “Zwo ralo, ndi a mangala uri itsho ndi mini?”

⁶⁶ Ngauralo nda li sala murahu; nda wana uri, ho vha hu tshumelo ya vhurereli, heneffo ho vha hu na vhatu vha tshigidi na maðana maþanu u ya kha zwigidi zwivibili. Huno nda pfa heneffo hu tshi þavhiwa mikosi nahone hu tshi fhufhelwa nþha na phasi, nahone vha tshi isa phanda. Nda elekanya, “Dzhiiani zwauri, hafha ndi hone hune nda ðo vhona uri vhakhethwa vha vhumbuluwaho phasi ndi mini.”

⁶⁷ Ngauralo ndo vha ndi na Ford yanga ya kale, ni a ñivha, ye nda dzhia zwauri i nga tshimbila maela dza furaru nga iri, fumiþhanu u ya *hangei* na fumiþhanu u ya nþha na phasi u bva *hangeno*. Ngauralo nda i imisa nga thungo, nda... musi ndo no wana fhethu ha u paka, nda dovha nda tsa na tshiþaraþa. Nda

dzhena, nda lavhelesa thungo dzothe, huno muñwe na muñwe we a vha a tshi kona u ima o vha o ima. Nda tea u lavhelesa nga ntha ha thoho dzavho. Huno vho vha vha tshi t̄avha mikosi, vha tshi fhufha, vha tshi wa, nahone vha tshi bvela phanda ngauralo. Nda elekanya, “Whew, uhm, ndi vhathu-de avha!”

⁶⁸ Fhedzi nga u ima hanga henengei tshifhinga tshilapfunyana, ndo pfa vhukhwine. Nda elekanya, “Hezwo zwi vhonala zwi zwavhuđi nga maanda.” Nda elekanya, “A hu na tsho khakheaho maelana na havho vhathu. A vha pengi.” Ndo vhuya nda amba na vhañwe vhavho, ngauralo vho—vho vha vhe vhathu vhavhuđi. Ngauralo nda ri . . .

⁶⁹ Ndi zwone, zwino, heyi ndi yeneila tshumelo ye nda ya khayo nda dzula vhusiku hothe vhusiku honoho, huno nga ñuvha li tevhelaho nda dzhena. Huno no no zwi pfa ndi tshi amba izwo kha nganeavhutshilo yanga. Ndo vha ndi kha puñatifomo na vhafunzi vha swikaho ñana na futhanu, kana vha madana mavhili, nahone khamusi u fhira afho, huno vho vha vha tshi ṭoda uri nga muthihi nga muthihi vha takuve-vho vha ambe he vha vha vha tshi bva hone. Huno nda ri, “Muevangeli William Branham, Jeffersonville,” nda dzula fhasi, “Mubaphuthisi,” ngauralo, nda dzula fhasi. Muñwe na muñwe a tshi amba he a vha a tshi bva hone.

⁷⁰ Ngauralo nga matsheloni a tevhelaho musi ndi tshi dzhena ngomu fhalā . . . Ndo edela tsimuni vhusiku hothe vhusiku honoho, huno nda kandisa marukhu anga vhukati ha sithi mbili dza Ford, ni a ñivha, huno nda—nda . . . marukhu a kale a tshisakha, na thii-shetenyana, ni a ñivha. Ngauralo nga matsheloni a tevhelaho nda ya khuvhanganon, ndo ambara thii-shetenyana yanga. Ndo vha ndo ya . . .

⁷¹ Ndo vha ndi si na tshithu nga nnđa ha dolara tharu, huno nda tea u wana mapfura o edanaho u ntswikisa hayani. Huno nda—nda ñiwanelo rojisi, dzila dza lushaka lwa kale, ni a ñivha, fhedzi nda fushea. Huno nda ya bommbini, nda ka madi nga ngilasi, ni a ñivha, huno dzo vha dzi tshi difha nga maanda. Ngauralo ndo vha ndo dzi lovheanyana, nda kona-ha u la vhuragane.

⁷² Zwino, ndo vha ndi tshi nga kona u la navho, zwino, vha la luhili nga ñuvha. Fhedzi ndo vha ndi sa koni u posela tshithu munikeloni, ngauralo ndo vha ndi sa—ndi sa ṭodi u wana masheleni ngavho.

⁷³ Ngauralo zwenezwo nda—zwenezwo nda mbo dzhena fhalā ngomu nga matsheloni eneo, vha ri . . . Ndi tea fhedzi u amba tshipida hetshi tshayo. Ngauralo nda dzhena fhalā ngomu nga matsheloni eneo, huno vha ri, “Ri khou ṭoda William Branham, muevangeli muswa we a vha e puñatifomoni vhusiku ha mulovha, wa Mubaphuthisi.” A ri, “Ri khou mu ṭoda uri a ñise mulaedza matsheloni ano.” Nda zwi vhonala zwauri zwi do nkondela, tshigwada itsho tsha vhathu, nne ndi Mubaphuthisi. Ngauralo

nda sokou hanelela tshiduloni tshanga. Ndo vha ndo ambara vhurukhu ha tthisakha na thii shete; ni a divha, nahone ro vha ro ambara sa vhafunzi, ngauralo... Huno nda dzula murahu tshiduloni nga ndila heyi. Ngauralo a humbelu luvhili kana luraru. Huno ndo vha ndo dzula tsini ha murathu wa mukhaladi.

⁷⁴ Huno tsho itisaho uri vha fare khuvhangano ngei Devhula, ndi uri nga itsho tshifhinga ho vha hu na khethekanyo nga muvhala ngei Tshipembe. Ngauralo a vho ngo kona u i farela Tshipembe.

⁷⁵ Ngauralo ndo mangala uri naa iyi "Yesu Fhedzi" yo vha i tshi amba nga ha mini. Huno nda elekanya, "Tenda hu Yesu, zwo luga. Ngauralo a hu na phambano uri kana ndi...uri zwi hani, tenda hu tshi dzula hu Ene."

⁷⁶ Ngauralo nda dzulanyana henefhalā nda vha lavhelesa, huno ngauralo vha vhidzelela hafhu luvhili kana luraru. Huno hoyu murathu wa mukhaladi a nndavhelesa, a ri, "Ni a mu divha?" Nda—nda—nda... Uyo wo tou vha mulingo vhukuma. Ndo vha ndi sa koni u mu zwifhela, ndo vha ndi sa tami u ralo.

Nda ri, "Vhonani, murathu. Ee, ndi a mu divha."

A ri, "Zwo ralo, iyani ni mu dzhie."

⁷⁷ Nda ri, "Zwo ralo, ndi—ndi do ni vhudza, murathu," nda ri, "ndi nqe. Fhedzi, ni a vhona," nda ri, "vhonani, ndi... marukku haya a tthisakha."

"Gonyelani hangei."

⁷⁸ Huno nda ri, "Hai, ndi nga si kone u gonyela hangei," nda ri, "na haya marukku, ngaurali, heyi thii shetenyana."

A ri, "Havho vhathu a vha na ndavha na uri ni ambara hani."

⁷⁹ Huno nda ri, "Naho zwo ralo, vhonani, ni songo zwi bula. Ni a pfa?" Nda ri, "Vhonani, ndo ambara haya marukku a tthisakha, a thi khou ṭoda u gonyela hangei."

A ri, "Hu na muthu a no divha hune William Branham a vha hone?"

A ri, "Khoyu hafha! Khoyu hafha!"

⁸⁰ Yawee, zwanga nnenne! Tshifhaṭuwo tshanga tsha tswukuluwa, ni a divha; nahone ndi songo ambara thai, ni a divha; ndi na heyi thii shete ya kale, ni a divha, na zwandanyana zwayo ngaurali. Huno nda ṭuwa nda gonyela henengei, ndevhe dzanga dici tshi fhisa. A thi athu vhuya nda ima tsini ha khudzaipfi.

⁸¹ Huno ngauralo nda mbo thoma u rera henefhalā nthā, nda nanga ther, a thi nga do zwi hangwa, "Mupfumi a imisa maṭo awe e vhudzulavhafu, huno a mbo lila." Nqe, zwifhinga zwinzhi, ndi funza zwithu zwiṭuku zwiraru ngauralo, "Idani ni vhone munna," "Ni a tenda izwi?" kana "A mbo lila." Huno nda dzulela u ri, "A hu na maluvha, huno zwenezwo a mbo lila. A hu na

miṭangano ya thabelo, zwenezwo a mbo lila. A hu na vhana, zwenezwo a mbo lila. A hu na nyimbo, huno zwenezwo a mbo lila.” Zwenezwo nda mbo lila.

⁸² Nga murahu ha musi zwe no fhela, mulandu, nnenn̄e, vha sokou...vhothe vho ntanga, vha tshi khou ṭoda uri ndi de ndi vha farele tshumelo. Huno nda elekanya, “Dzhiani zwauri, khamusi nne ndi mukhethwa a vhumbuluwaho fhasi!” Ni a vhona? Ngauralo nda elekanya, “Khamusi...” Ni a vhona, vho vha vhe vhathu vho lugaho nga maanda.

⁸³ Huno nda bvela nn̄da. Munna we a vha o ambara phere ya mabutsu a likhawaboyi, na muñadzi muhulu wa likhawaboyi, nda ri, “Ni nnyi?”

A ri, “Ndi nne Muhulwane Mukeneñene a no bva Texas.”

Nda elekanya, “Ndi zwone, o vhonala...”

⁸⁴ Muñwe muñhannga a bvelela o ambara marukhunyana a kinikaboka, ni a ñivha, vho vha vha tshi anzela u tamba golofu ngao, na iñwe ya dzhesi dzi re ndenya. A ri, “Ndi nne Vhafunzi Mukeneñene vha no bva Florida. Ni nga ña na fara...”

⁸⁵ Nda elekanya, “Ndi pfa ndi hayani, mutukana, ndo ambara marukhu haya a tthisakha na thii shete. Hezwo zwe luga.”

⁸⁶ Ngauralo, no no pfa nganeavhutshilo yanga maelana na hezwo zwithu, ngauralo ndi do ima henefha nda ni vhudza tshiniwe tshine ndi sa athu ni vhudza. Tsha u thoma, ndi ṭoda u ni vhudzisa... Ndo vha ndi tshi do pfuka hezwi. A thi athu zwi amba vhukati ha vhathu, vhutshiloni hanga. Arali ni tshi mpfulufhedzisa uri ni do mpfuna nahone ni do lingedza u mpfuna u fhirisa nga murahu ha musi ndo amba izwi sa zwine nda di anzela u ita phanda ha musi ndi tshi zwi amba, imisani tshanda tshanu. Zwe luga. Heþo ndi pfulufhedziso lanu, ndi do lavhelela uri ni zwi vuledze.

⁸⁷ Ndo dzula tshumeloni vhusiku honoho, musi vha tshi imba nyimbo dzavho vha tshi vhanda zwanda zwavho. Huno vha imba, “Ndi...” Luþa luimbonyana, “Ndi a zwi ñivha uri ho vha hu Malofha. Ndi a zwi ñivha uri ho vha hu Malofha.” Huno vha gidima ntha na fhasi kha vhugalatenga, na kha zweþe, vha tshi sokou þavha mikosi na u renda Murena. Nda elekanya, “Heþo li pfala li lavhuði nga maanda kha nne.” Nda thoma...

⁸⁸ Huno tshifhinga tshoþe vho vha vha tshi amba nga ha Mishumo, Mishumo 2:4, Mishumo 2:38, Mishumo 10:49, hezwo zweþe. Nda elekanya, “Dzhiani zwauri, holwo ndi Luñwalo! Ndi tou vha ndi sa athu Zwi vhona nga ndila heyo.” Fhedzi, yawee, mbilu yanga yo vha i tshi khou swa, nda elekanya, “Hezwi zwi a mangadza!” Ndo humbula zwauri vho vha vhe tshigwada tsha vhakhethwa vha no vhumbuluwa fhasi musi ndi tshi þangana navho lwa u thoma, huno nda elekanya, “Yawee,

nnenñe! Zwino vho no vha tshigwada tsha vharuňwa.” Ni a vhona, nda shandukisa muhumbulo wanga nga u ḥavhanyedza.

⁸⁹ Ngauralo nga matsheloni a tevhelaho musi Murena o nnęa hetshi tshifhinga tshavhuđi uri ndi fare tshumelo idzi, nda elekanya, “Yawee, nnenñe, ndi do kona u bvelela na tshigwada itshi tsha vhathu! Ḥavho vho tea u vha vhe vha vha tshi anzela u vhidzwa ‘Vhametħodisi vha huwelelaho.’ Vho tou bvela phandanyana,” nda elekanya. “Khamusi ndi zwine tsha vha zwone.” Ngauralo nda elekanya, “Ho luga, ndi... hetsho ndi a tshi funa ngangoho. Oo, hu na tshińwe maelana navho tshire nda tshi funa, vha a qitkufhadza nahone ndi vhabhuđi.”

⁹⁰ Ngauralo tshithihi tshe ndi sa kone u tshi ḥalukanya ho vha hula hu amba nga ndimi, he ha ndela. Huno nda... Ho vha hu na muńwe munna, dzhiani zwauri, o vha o dzula *hafha* huno muńwe e *hangeno*, huno vho vha vhe vharangaphanda vha itsho tshigwada. *Hoyu* muńwe o vha a tshi takuwa a amba nga ndimi, *hoyu* a tshi ḥalutshedza huno a bula zwithu zwi kwamaho tshumelo na zwińwe-vho. Nda elekanya, “Nnenñe, whew, ndi tea u vhala hezwo!” Ngauralo-ha zwi tshi thambanyiswa, u wela n̄ha ha *hoyu* huno a dovha a wela n̄ha ha *houla*; huno muńwe na muńwe a amba nga ndimi, a ḥalutshedza. Tshivhidzo tshoħe tsho vha tshi tshi amba, fhedzi ḥalutshedzo yo vha i tshi vhonala i sa di u fana na ya havha vhanna vhabhili. Zwino, nda vhona vho dzula tsini na tsini, nda elekanya, “Yawee, nnenñe, vha tea u vha vhe Vharuňwa!” Ngauralo musi ndo dzula murahu hangei... .

⁹¹ Uri naa itsho ho vha hu mini (ni a divha) hezwo ndo vha ndi sa zwi pfecti, Tsho vha tshi tshi da kha nnę. Huno ndi na ndila ya u divha zwithu arali Murena a tshi ḥoda ndi tshi zwi divha, ni a divha. Huno a thi... Ndi ngazwo ndi tshi ri a thi li buli, heli na khathihi vhukati ha vhathu. Arali ngangoho ndi tshi ḥoda u ḥodisira nga ha tshińwe, Murena u anzela u mmbudza nga ha hezwi zwithu. Ndi zwine tshifhiwa tsha tea u ita, ni a vhona. Ngauralo ni nga si sokou posela hezwo nnđa phanda ha vhathu, zwi fana na u posela vhulungu hanu phanda ha nguluvhe. Ndi tshithu tsho kunaho, tshithu tshikhethwa, huno a ni ḥodi u ita hezwo. Ngauralo, Mudzimu u do ḥoda vhudifhinduleli kha nnę. U fana na u amba na vharathu na vhańwe, a thi nga lingedzi u ḥoda tshińwe tsho vhifhaho nga ha murathu.

⁹² Nga tshińwe tshifhinga ndo dzula ḥafulani na muńwe munna o nkhabvara, a ri, “O Mukomana Branham, ndi a vha funa.” Huno nda dzulela u pfa tshińwe tshithu tshi tshi itea. Nda mu sedza. O vha a songo tea o mmbudza hezwo; ndo zwi divha zwauri a zwe ngo ralo, ni a vhona, ngauri khezwo. O vha e mudziaudiitisa wa mafhelelo, arali ho vhuya ha vha na muńwe, ni a vhona, huno heneħħala o di nkhabvara.

⁹³ Nda ri, “Ndi zwone, ho luga,” nda ḥuwa. A thi ḥodi u divha hezwo. Ndi nga lumba nda mu divha nga ndila inē nda mu

divha ngayo, sa murathu wanga, huno nda zwi litsha zwo ralo. Mudzimu kha ite zwe the zwo salaho. Ni a vhona? Huno a thi ḥodi u... a thi ḥivhi, u ḥoda u divha zwithu hezwo.

⁹⁴ Huno zwifhingani zwinzhi kha hezwi zwithu, hu si fhano tshivhidzoni. Ndi do ri ndo dzula ngomu lufherani, ndo dzula nduni ya u ḥela, Muya Mukhethwa wa mbo di mmbudza zwithu zwi no khou yo bvelela. Hu na vhathu fhano vha no divha uri hezwo ndi ngoho. Ndi do ri ndo dzula hayani hanga nda ri, "Zwino, ivhani na vhusedzi, hu na golo i no khou da nga murahu ha tshifhinganyana. Hu do vha hu muñwe, muñwe muthu. Vha ḥanganedzeni, ngauri Murena o amba zwauri vha do vha fhano." "Musi ri tshi tsa na tshiṭaraṭa, zwinwe zwithu zwi do itea. ḥhogomelani fhala hu no pfukwa, ngauri ni nga kha di thulwa." Huno edzonu sedza fhedzi u vhona uri a zwo ngo ralo naa, ni a vhona, tshifhinga tshothe, zwi itea nga u tou ralo! Ngauralo a ni tami u didzhenisa nga maanda kha hezwo, ngauri ni do... Yone—yone ndi... Ni nga tshi shumisa, ndi tshifhiwa tsha Mudzimu, fhedzi ni tea u vha na vhusedzi ha uri ni ita mini ngatsho. Mudzimu u do ḥoda vhudifhinduleli kha inwi.

⁹⁵ Vhonani Mushe. Mushe o vha e munna o ruñwaho nga Mudzimu. Ni a tenda izwo? O nangiwa, o tiwa, nahone o itwa muporofita! Huno Mudzimu a mu rumela henengei nn̄da, a ri, "Iyani ni ambe na tombo," musi lo no di rwiwa. A ri, "Tshimbilani ni ambe na tombo, huno li do bveledza madi alo."

⁹⁶ Fhedzi Mushe, o sinyuwa, a gidimela henengei a rwa tombo. Madi a sa bve, a dovha a li rwa, a ri, "Vhoinwi maravhele! Naa ri fanela u ni qisela madi a tshi bva kha heli tombo?"

⁹⁷ Ni a vhona zwe Mudzimu a ita? Madi o da, fhedzi ha pfi, "Idani hafha, Mushe." Ayo o mbo di vha magumo azwo, ni a vhona. Ni tea u vha na vhusedzi kha zwithu hezwo, ngauralo ni... tshine na ita nga zwifhiwa zwi bvaho Mudzimuni.

⁹⁸ U fana na mureri, mureri wavhudzi a reraho nga maanda, huno u a bva a rera u itela fhedzi u dzhia mitendelo na malí, Mudzimu u do mu sengisela zwenezwo. Ndi zwone. Ni tea u vha na vhusedzi ha uri ni ita mini nga ha zwifhiwa zwi bvaho Mudzimuni. Nahone, kana a lingedza u itela tshiñwe tshivhidzo tshirunzi kana dzina lihulwane, kana ene muñe a diitela dzina lihulwane. Ndi nga lumba nda vha na tshumelo mbili kana tharu vhusiku nda dilugisela u sa qifhelwa ndi huñwe fhethu, nda diṭukufhadza, nda dzula ndi o ḥukufhalaho. Huno ni a divha uri ndi khou amba mini. Ee, muñe wanga, tshifhinga tshothe ivhani kha nzulele ine Mudzimu a nga vhea tshanda Tshawe kha inwi.

Hovhu ndi Vhutshilo ha nga ngomu, ni elelwe.

⁹⁹ Ngauralo-ha ḥuvha ilo, nda elekanya, "Ndi zwone, ndi khou ya u gonya." Huno ndo vha ndo akhamadzwa nga avho vhathu, nda elekanya "Ndi do ḥodisisa nga ha avho vhanna." Huno nn̄da ngomu dzharaṭani nda dzulela u vha ḥoda musi tshumelo yo no

fhela. Nda ṭoda thungo dzothe. Nda wana muñwe wavho, nda ri, “Vha vuwa hani, muñe wanga?”

¹⁰⁰ Vha ri, “Ndo vuwa!” Vha ri, “Naa ndi inwi mufunzi muswa we a funza matsheloni a Ʉamusi?”

Nda ri . . . Nga itsho tshifhinga ndo vha ndi na miñwaha ya fumbiliraru. Nda ri, “Ee, muñe wanga.”

Huno vha ri, “Dzina ḥanu ndi nnyi?”

Nda ri, “Branham.” Huno nda ri, “Lavho?”

¹⁰¹ Huno vha mmbudza dzina ḥavho. Huno nda elekanya, “Zwino-ha, zwino, arali ndi tshi nga tou kwamana na maya wavho zwino.” Huno ndo vha ndi sa ḫivhi tshe tsha vha tshi tshi khou ita hezwo. Huno nda ri, “Ndi zwone, kha vha dzhie zwauri, muñe wanga,” nda ri, “vhoiñwi vhathu ni na Tshinwe tshithu hafha tshirendi si vhe natsho.”

Vha ri, “Naa no no wana Muya Mukhethwa tshee na tenda?”

Nda ri, “Musi, nne ndi Mubaphuthisi.”

¹⁰² Vha ri, “Fhedzi-ha no no wana Muya Mukhethwa tshee na tenda?”

¹⁰³ Huno nda ri, “U ralo, mukomana, vha khou zwi ambisa hani?” Nda ri, “A—a thi na tshire vhone vhothe vha vha natsho, hezwo ndi a zwi ḫivha!” Nda ri, “Ngauri vha na Tshinwe tshire tsha vhonala tshi na maandha huno ngauralo . . .”

Vha ri, “No no vhuya na amba nga ndimi?”

Huno nda ri, “Hai, muñe wanga.”

Vha ri, “Ndi ḫo ni vhudza nga u ḫavhanyedza zwauri a ni na Muya Mukhethwa.”

¹⁰⁴ Huno nda ri, “Zwo ralo, arali ndi . . . Arali zwi tshi dzhia nzulele iyo u wana Muya Mukhethwa, a thi Nawo.”

¹⁰⁵ Huno ngauralo vha ri, “Ndi zwone, arali ni songo amba nga ndimi, a ni Nawo.”

¹⁰⁶ Huno ndi tshi khou bvela phanda na nyambedzano yavho ngaurala, nda ri, “Zwo ralo, ndi nga Ú wana ngafhi?”

¹⁰⁷ Vha ri, “Dzhenani lufherani ni thome u ṭoda Muya Mukhethwa.”

¹⁰⁸ Huno nda dzulela u vha sedza, ni a ḫivha. A vho ngo ḫivha tshe nda vha ndi tshi khou ita, fhedzi vho . . . ndo zwi ḫivha zwauri vho vha vhe na vhuđipfi vhu songo ḫoweleaho, ngauri vho . . . mađo avho a thoma u penya-penya zwiđuku musi vha tshi nndavhelesa. Huno vho . . . Fhedzi vho vha vhe Mukriste wa vhukuma. Vhone zwa vhukuma, vho vha vhe Mukriste, wa phesenthe dza ḫana. Ndi zwone. Zwo luga, nda elekanya, “Rendani Mudzimu, Ngetshi! Ndi—ndo—ndo tea u ya kha ilā alitari huñwe fhethu.”

¹⁰⁹ Nda bvela nn̄da, nda sedza thungo dzothe, nda elekanya, “Ndi do wana vhalā muñwe munna.” Huno ndo no vha wana nda thoma u amba navho, nda ri, “Vha vuwa hani, muñe wanga?”

¹¹⁰ Vha ri, “Edzonu mmbudza, ni murado wa tshiyhidzo tshifhio?” Vha ri, “Vha mmbudza zwauri ni Mubaphuthisi.”

Nda ri, “Ee.”

Huno vha ri, “A ni athu wana Muya Mukhethwa, nandi no no u wana?”

Nda ri, “Zwo ralo, a thi divhi.”

Vha ri, “No no vhuya na amba nga ndimi?”

Nda ri, “Hai, muñe wanga.”

Vha ri, “A ni Nawo.”

¹¹¹ Huno nda ri, “Ho luga, ndi a zwi divha zwauri a thi na tshine vhone vhothe vha vha natsho. Hezwo ndi a zwi divha.” Huno nda ri, “Fhedzi-ha, mukomana wanga, zwa vhukuma ndi a U ḥoda.”

Vha ri, “Ndi zwavhuđi, kheliļa—kheliļa tivha, lo luga tshothe.”

¹¹² Nda ri, “Ndo no di lovhedzwa. Fhedzi-ha,” nda ri, “A—a tho ngo ḥanganedza tshine vhone vhothe vha vha natsho.” Nda ri, “Vha na tshiñwe tshine nda—nda tshi ḥoda vhukumakuma.”

Huno vha ri, “Zwo ralo, ho luga.”

¹¹³ Ndo vha ndi tshi khou lingedza u vha fasha, ni a vhona. Huno arali nda . . . Musi mafheleloni ndo no wana maya wavho, zwino, havho vho vha vhe ula muñwe munna, arali ndo vhuya nda amba na mudziaudiitisa wa mafhelelo, havho vho vha vhe muñwe wavho. Vho vha vha tshi dzula . . . Mufumakadzi wavho o vha e na mavhudzi matswu, vho vha vha tshi khou dzula na wa mavhudzi matshena nahone vhe na vhana vhavhili nae. Vha tshi nwa, vha tshi semana, vha tshi ya hune ha rengiswa mahalwa, na zwiñwe-vho, huno naho zwo ralo vhe ngomu henehala vha tshi amba nga ndimi nahone vha tshi porofita.

¹¹⁴ Zwenezwo nda mbo ri, “Murena, nkhangwele.” Nda ya hayani. Ndi zwone. Huno nda ri, “Ndi do tou wana . . . A thi zwi pfeses. Hu vhonala hu tshi tou nga Muya Mukhethwa wo fhatutshedzwaho u khou shuluwa, nahone, n̄tha ha ula mudziaudiitisa.” Nda ri, “Zwi nga si vhe ngauralo! A hu tshe na zwiñwe.”

¹¹⁵ Vhukati ha itsi tshifhinga tshilapfu, ndi tshi khou vhalā na u lila, nda humbula uri arali ndi tshi nga bva navho khamusi ndo vha ndi tshi do wanulusa uri tsho vha tshi mini. Muñwe ngoyu, ndi Mukriste wa vhukuma; huno ula muñwe, ndi mudziaudiitisa o fhelelaho. Zwenezwo nda elekanya, “Mini-ha izwo? Yawee,” nda ri, “Mudzimu, khamusi—khamusi hu na tsho khakheaho kha nne.” Huno nda ri, sa izwo ndi muthu a no tenda pfunzo dza muteo, “Helo li do . . . tea u vhonala Bivhilini. Li tea u ralo.”

¹¹⁶ Kha nne, tshiñwe na tshiñwe tshine tsha itea tshi fanela u bva Bivhilini kana arali zwi songo ralo tsho khakhea. Tshi tea u bva Hafha. Tshi tea u themendelwa Bivhilini, hu si fhethu huthihi fhedzi, fhedzi tshi tea u dadamala kha Bivhili yoþhe. Ndi fanela u tshi tenda. Tshi tea u andana na u lunzhedzana na Luñwalo luñwe na luñwe arali zwi songo ralo a thi tshi tendi. Huno-ha, ngauri Paulo o ri, “Arali muruña a bvaho Taðulu a ða, a tshi rera mafhungo-madifha a re thungo, nga a vhe o señwaho.” Ngauralo ndi tenda zwine Bivhili ya amba.

Huno nda ri, “A tho ngo kona u vhona tsho raþaho Bivhilini.”

¹¹⁷ Nga murahu ha miñwaha mivhili, ndo no lovhelwa nga mufumakadzi na zwithu zweþhe, ndo vha ndi henengei nþha Green’s Mill, fhethu hanga huþuku nþha henengei, ndi tshi khou rabela. Ndo vha ndo no vhuyelela bakoni þanga henengei maðuvha mavhili kana mararu, ho vha ho no ita maðuvha mavhili. Nda bvela nn̄da u wana tuyanyana, u rwiwa nga maya. Huno musi ndi tshi bvela fhaþa nn̄da, Bivhili yanga yo vha i heneþhaþa magumoni a danda musi ni tshi tou dzhena. Muri wa kale wo vha wo wiswa nga maya, wo vha u na forogo khawo. Huno nda... Wo vha u na forogo yo lalaho nga ndila *heyi*, muri wo lala fhasi. Huno nda dzula kha danda ndo pandaladza milenzhe, nda edela heneþhaþa nga madekwana, ndo sedza lutomboni ngaurali, tshanda tshanga tsho lala nga ndila *heyi*, huno nga zwiñwe zwikathí nda edela ndo shuvhama nþha ha danda ngaurali, ndi tshi khou rabela. Ndo þwa henengei maðuvha a re na tshivhalo, fhedzi ndi sa li kana u nwa, ndi heneþho fhedzi ndi tshi khou rabela. Huno nda bvela nn̄da u yo wana tuyanyana, nn̄da ha liþa bako; ho vha hu tshi rotholela, hu na vhutsidi ngei murahu nga ngomu heneþhaþa.

¹¹⁸ Ngauralo-ha zwenezwo ndo mbo bvela nn̄da Bivhili i heneþhaþa he nda vha ndi Nayò ðuvha lo fhiraho, huno ya vulea kha Vhaheberu, kha ndima ya 6. Huno nda thoma u vhala heneþhaþa, “Nga ri litshe-ha... kha... ri fhirele phanda kha a u vuledza, ri sa dovhí ra thoma nga a u rembuluwa na a u laþa mishumo yo dzulaho yo fa na a u tenda Mudzimu,” na zwiñwe-vho. “Ngauri a zwi konadzei kha avho vhe vha vhuya vha vhonetshelwa, vhe vha thetshela tshifihiwa tshi bvaho taðulu, na mbidzo,” na zwiñwe-vho. Fhedzi a ri, “Hone mipfa na tshene zwine zwa vha tsini na u laþwa, magumo azwo... maði... mvula i nela lifhasi u li nonisa na u li lugisela zwine zwa vha—zwine zwa vha tsini na u laþwa, na mipfa na tshene, magumo azwo ndi u fhiswa.”

Huno Tshiñwe tsha ri, “Whoooossssh!”

¹¹⁹ Nda elekanya, “Khetshi. Zwino ndi ðo pfa tshine A... O nkarusa heneþha, U khou ðilugisela u nneá bono zwino.” Huno nda lindela heneþhaþa magumoni a liþa danda, nda lindela. Nda takuwa nda ya phanda na murahu, nþha na fhasi. Nda ya

murahu, ha sa bvelele tshithu. Nda vhuyeleta bakoni ḥanga, ha sa bvelele tshithu. Nda ima heneḥala, nda elekanya, “Zwo ralo, itshi ndi mini?”

¹²⁰ Nda dovha nda ya Bivhilini yanga, huno, yawee, Tsha dovha tsha da kha nne. Nda Tshi ṭanganedza, huno nda elekanya, “Ndi mini tshi re ngomu fhała tshine A ṭoda nne ndi tshi tshi vhalā?” Nda dzulela u vhalā ndi tshi tsa nga hā “thembuluwo kha Mudzimu, na lutendo,” na zwińwe-vho, huno nda vhalā ndi tshi tsa he Ya ri, “Mvula i nela shango u li nonisa na u li lugisela zwe la sikelwa zwone, zwa fhano, fhedzi mipfa na tsheñe zwi re tsini na u laṭwa magumo azwo ndi u fhiswa.” Huno, yawee, Ya sokou ndzinginyisa!

¹²¹ Huno nda elekanya, “Murena, naa U khou ya u nne a bono la mini . . .” Ndo vha ndi hafhała n̄tha u Mu humbelā tshińwe tshithu.

¹²² Zwenezwo khathihi fhedzi, phanda hanga, ndo mbo vhona lifhasi li tshi vhumbuluwa, nahone lo vilingana. Huno heneḥfo ha tshimbila munna o ambaraho tshena, thoho yawe yo imela n̄tha, a tshi khou zwala Mbeu ngaurali. Huno musi o tuwa, a vhuya, u fana na musi o pfuka muvhundu, ndi hezwi hu tshi da munna nga murahu hawe, o ambara ntswu, thoho yawe yo kotamela fhasi, a tshi khou zwala mbeu. Huno musi Mbeu dzavhudzi dici tshi mela, ho vha hu goroi; huno musi mbeu mmbi dici tshi mela, ha vha hu tsheñe.

¹²³ Huno ho mbo da gomelelo līhulu shangoni, huno goroi yo vha yo kotamisa thoho yayo, i tsini na u fa, i tshi ṭoda mađi. Huno nda vhona vhatu vhothe vho imisela zwanda zwavho n̄tha, vha tshi khou rabela Mudzimu uri a dise mađi. Huno-ha nda vhona tsheñe, yo kotamisa thoho yayo, i tshi khou humbelā mađi. Huno nga tshifhinga tshenetsho makole mahulu a mbo bvelela mvula ya sokou shulutshela fhasi. Huno musi yo no na, goroi thukhu ye ya vha yo kotama ya ri, “Whish,” ya kotamuluwa. Huno tsheñe thukhu tsinitsini hayo ya ri, “Whish,” ya kotamuluwa.

Nda elekanya, “Zwo ralo, ndi mini tshiła?”

¹²⁴ Huno Tsha mbo da kha nne. Khetshiła. Mvula yeneyo ine ya ita uri goroi i aluwe, i ita uri tsheñe i aluwe. Huno wonoyo Muya Mukhethwa u nga shulutshela kha tshigwada tsha vhatu, huno wa fhaṭutshedza mudziaudiitisa u fana na musi U tshi fhaṭutshedza muńwe. Yesu o ri, “Ni do vha ḫivha nga mitshelo yavho.” Hu si nga mulandu wa uri a tshi ṭavha mukosi, kana a tshi pembela, fhedzi “ni do vha ḫivha nga mitshelo yavho.”

¹²⁵ Nda ri, “Khezwoo!” “Ndo zwi wana, Murena.” Nda ri, “Zwino-ha heyo zwa vhukuma ndi Ngoho.” Hoyu munna . . . Ni nga kha di vha na zwifhiwa hone Mudzimu ni sa mu ḫivhi.

¹²⁶ Ngauralo zwenezwo ndo—zwenezwo ndo vha ndi tshi vho thoma u sasalandza nga maanda u amba nga ndimi, ni a vhona.

Fhedzi nga liñwe ḋuvha, zwenezwo, Mudzimu a nkhakhulula kha zwenezwo!

¹²⁷ Ndo vha ndi tshi khou lovhedza fhasi mulamboni, vhathu vhanga vha u thoma u rembuluwa, Mulamboni wa Ohio, na muthu wa vhufumi-sumbe we nda vha ndi tshi khou mu lovhedza, musi ndi tshi thoma u lovhedza, nda mbo ri, "Khotsi, musi ndi tshi mu lovhedza nga madi, Iwe u mu lovhedze nga Muya Mukhethwa." Nda thoma u—u mu mbwandamedza madini.

¹²⁸ Huno nga tshikhathi tshenetsho tshidumbumukwe tsha da tshi tshi bva maṭaqduluni a n̄tha, huno tshiila Tshedza khets̄hi tshi khou da, tshi tshi vhotnetshela fhasi. Mađana na mađana a vhathu o vha e philiphilini, masiari nga iri ya vhuvhili n̄tha ha tshithoma, nwedzini wa Fulwi. Huno Tsho da tsha ima nga n̄tha ha he nda vha ndi hone. Ipfī la amba li tshi bva henehala, la ri, "Vhunga Yohane Mulovhedzi o rumiwa u vha murangaphanda wa u da ha Kristo lwa u thoma, inwi ni na . . . ni na Mulaedza une wa do disa vhurangaphanda ha U da lwa Vhuvhili ha Kristo." Huno helo lo ṭodou ntshutshedza lwa u isa lufuni.

¹²⁹ Huno nda humela murahu, huno vhathu vhothe fhaļa, vha—vhanna vha shumaho nga ngilasi na vhothe, vhорадзіхемісі, na vhothe vhe n̄tha ha philiphili. Ndo vha ndo no lovhedza vha no ṭodou swika mađana mavhili kana mararu masiari eneo. Huno musi vho no mbvisela nn̄da, vho no nkokodzela nn̄da ha madi, madikoni na vhañwe vha gonyela n̄tha, vha mmbudzisa, vha ri, "Naa tshiila Tshedza tsho vha tshi tshi amba mini?"

¹³⁰ Tshigwada tshihulwane tsha makhaļadi tshi bvaho ngei—ngei "Gilt Edge" tshivhidzoni tsha Baphuthisi na tshivhidzoni tsha "Lone Star" fhasi henengei, huno vhunzhi havho vho vha vhe fhasi henengei, vha thoma u tavha mikosi musi vha tshi vhona izwo zwi tshi itea, vhathu vha dzidzivhala.

¹³¹ Musidzana we nda lingedza u mu bvisa gungwani henengei, o dzula henehala o ambara zwiambaro zwa u bammbela, mudedekadzi wa tshikolo tsha Swondaha tshivhidzoni, huno nda ri, "Naa ni nga si bvele nn̄da, Margie?"

A ri, "Billy, a zwi vhi zwa ṭodea uri ndi bvele nn̄da."

¹³² Nda ri, "Ndi zwone, a zwi vhi zwa ṭodea uri ni ite ngauralo, fhedzi nne ndo vha ndi tshi do vha nā khuliso yo fhelelaho ndi tshi itela Mafhungo-Mađifha u bva henehfo hune nda khou lovhedza."

A ri, "A zwi vhi zwa ṭodea uri ndi ite ngauralo."

¹³³ Huno musi o dzula henehala, a tshi nkholedza nahone a tshi khou ntsea ndi tshi lovhedza, ngauri o vha a sa tendi kha u lovhedza, ngauralo-ha musi Muruňwa wa Murena a tshi tsela fhasi o yela phanda ngomu gungwani. Namusi uyo musidzana u fhethu hune ha londotwa vhathu vha lwalaho

muhumbulo. Ngauralo ni nga si kone u tamba nga Mudzimu. Ni a vhona? Zwino, nga murahu ha afho... Musidzana wa u naka, ngavhuya o ya a nwa, a rwiwa nga bodelo, la—la halwa bodelo, la tshetshekanya tshifhaṭuwo tshawe tshoṭhe u tsa fhasi. Yawee, muthu a no tatisa a tshi sedzwa! Huno heneffho zwenezwo zwa itea.

¹³⁴ Huno-ha tshifhinga tshoṭhe vhutshilo vhu tshi khou bvela phanda ndo vha ndi tshi tshi vhona, ndi tshi tshi vhona tshi tshi khou tshimbila, ndi tshi vhona ala mabono, uri zwila zwithu zwi do itea hani. Zwenezwo, ngavhuyanyana, Tsha dzulela u ndzindela nga maanda, na muñwe na muñwe a tshi mmbudza uri Tsho khakhea. Huno nda ḥuwa nda ya fhethu hanga ha kale ha u ḥimvumvusa hune ha funwa nahone ho ḥoweleaho, n̄ha henengei he nda vha ndi tshi rabela nga maanda. Huno ndo vha... Hu si na ndavha uri naa ndo vha ndi tshi lingedza zwingafhani u rabela uri Tshiła tshi songo da kha n̄ne, Tsha da naho zwo ralo. Huno ngauralo ndo vha ndi tshi sokou... Ndo vha—ndo vha ndi mulondoti wa phukha ngei Dzinguni la Indiana. Huno nda dzhena, ho vha hu na munna o dzulaho heneffala, murathu wa a no lidza piano wanga thaberenakeleli. Huno a ri, “Billy, ni ḥo namela na n̄ne u ya ngei Madisoni masiari ano?”

Nda ri, “Ndi nga si kone, ndi tea u ya ngei maṭakani.”

¹³⁵ Huno ndo...sokou da nduni ndi tshi vhofholola bannda langa, bannda la tshigidi na zwiñwe-vho, ndi tshi khou finya zwanda zwanga zwa hemmbe. Ro vha ri tshi dzula nduni ḥukhui i re na phera mbili, huno ndo vha ndi tshi khou ya u ṭamba u dilugisela zwiliwa zwanga. Huno ndo vha ndo no ṭamba, ndi tshi khou tshimbila zwanga nga thungo ha nn̄du, nga fhasi ha—ha muri muhulwane wa mumapule, huno khathihi fhedzi Tshiñwe tsha fhira tsha ri, “Whoooossssh!” Huno nda ḥodou dzidzivhala. Huno nda sedza, nda zwi ḥivha zwauri ho vha hu Tshenetshiła hafhu.

¹³⁶ Nda dzula fhasi n̄ha ha zwiṭepisi, huno a fhufhela nn̄da ha goloi a gidimela kha n̄ne, a ri, “Billy, naa ni khou dzidzivhala?”

Nda ri, “Hai, muñe wanga.”

A ri, “Mulandu ndi mini, Billy?”

¹³⁷ Huno nda ri, “A thi divhi.” Nda ri, “Bvelani zwanu phanda, mukomana, ho luga. Ndi a livhuwa.”

¹³⁸ Mufumakadzi wanga a bvela nn̄da a ḥisa mudzio wa madi, a ri, “Dinga la mbilu yanga, mulandu ndi mini?”

Nda ri, “A hu na, mufunwa.”

¹³⁹ Ngauralo a ri, “Idani zwino, tshiswiṭulo tsho luga,” huno a nkhavara, a lingedza u ndzhenisa nga ngomu.

¹⁴⁰ Nda ri, “Dinga la mbilu yanga, ndi—ndi ḥoda u ni vhudza tshiñwe tshithu.” Nda ri, “Ni vha vhidze nahone ni vha vhudze

zwauri a thi nga vhi hone hangei masiari a ñamusi.” Nda ri, “Meda, mufunwa,” nda ri, “Ndi a zwi ñivha ngomu mbiluni yanga zwauri ndi funa Yesu Kristo. Ndi a zwi ñivha zwauri ndo bva lufuni nda ya Vhutshiloni. Fhedzi a thi ñodi Diabolo a tshi vha na mukovhe na nne.” Huno nda ri, “Ndi nga si ise phanda nga heyi ndila; ndi tshivhotshwa.” Nda ri, “Tshifhinga tshothe, musi hetshi tshi tshi dzulela u itea, na zwithu zwa u ralo, na mabono aya a tshi da, na zwiñwe-vho ngauralo. Kana, naho tshi tshini,” nda ri, “zwo itea kha nne.” A tho ngo zwi ñivha zwauri lo vha li bono. A tho ngo li vhidza bono. Ndo ri, “Zwi tou nga zwidzidzivhadzi,” nda ri, “A thi ñivhi uri itsho ndi mini. Huno, ñinga la mbilu yanga, a-a-a-a thi ñodi u tambela khatsho, vha-vha mmbudza uri ndi Diabolo. Huno ndi funa Murena Yesu.”

¹⁴¹ “Yawee,” a ri, “Billy, a no ngo tea u thetshela zwine vhathu vha ni vhudza.”

¹⁴² Nda ri, “Fhedzi, ñinga la mbilu yanga, sedzani vhañwe vhareri.” Nda ri, “A-a thi zwi ñodi.” Nda ri, “Ndi khou ya fhethu hanga mañakan. Ndi na dolara dzine dza ñodou swika fumithanu, inwi ni londote Billy.” Billy o vha e mutukana muñuku tshifhingani itsho, e muthu muñuku. Nda ri, “Ni-ni dzhie... Hezwo zwo edana inwi na Billy uri ni nga tshila ngazwo, lwa tshifhinganya. Vha vhidzeni ni vha vhudze zwauri ndi nga-ndi nga kha di vhuya matshelo, nahone ndi nga kha di kundelwa u vhuya. Arali nda sa vhuya mađuvhani mañanu a daho, vheani muñwe vhudzuloni hanga.” Huno nda ri, “Meda, a thi nga do bva kha ala mañaka u swikela Mudzimu a tshi mpfulufhedzisa uri U do ñuwisa tshila tshithu kha nne nahone a si tsha tshi tendela tshi tshi dovha tsha itea.” Edzonu elekanya nga ha u shaya ndivho hune muthu a nga vha naho!

¹⁴³ Huno nda gonyela henengei vhusiku honoho. Nda vhuyeleta ngomu zhazhani liñuku la kale, phanda ha ñuvha lo tevhelaho; tshifhinga tsho vha tsho no ñuwa. Ndo vha ndi tshi khou ñodou ya gammabani duvha li tevhelaho, ntha ha... kulenyana nga murahu ha thavha, kana muvhundu, ndi khou amba zwenezwo, nda vuwa ndi heneñhalo mañakan. A thi tendi zwauri vha F.B.I. vho vha vha tshi do nngwana henengei ntha. Ngauralo heli zhazha liñuku la kale... Ndo vha ndi tshi khou rabela masiari othe na musi hu sa athu swifhalesa. Nda rabela, nda vhaba heneñhalo Bivhilini hune Ya ri, “Muya wa vhaborofita u pfa muporofita.” Hezwo ndo vha ndi sa koni u zwi pfesesa. Ngauralo ho mbo thoma u swifhala nga maanda ngomu zhazhani liñuku la kale.

¹⁴⁴ He nda vha ndi tshi anzela u rea zwikwekwe musi ndi tshi kha di vha mutukana, ndo vha ndi na ludzi lwa u rea lu fhiraho heneñhalo nahone nda ya hangei ntha nda fasha khovhe nda li tshisa. Hu tshi tou vha fhedzi zhazha liñuku la kale lo litshedzwaho heneñhalo, lo fhedza miñwaha ngomu heneñhalo.

Muńwe muadzimi wa vhudzulo a nga kha di vha o li adzima li sa athu vha kha nzulele heyo.

¹⁴⁵ Huno ngauralo ndo—ndo vha ndo lindela henehala. Huno nda elekanya, “Zwo luga.” Tshifhinga tsha livha kha iri ya u thoma n̄tha ha tshithoma, iri ya vhuvhili n̄tha ha tshithoma, iri ya vhuraru n̄tha ha tshithoma nga matsheloni, ndo vha ndi tshi khou ya n̄tha na fhasi, ndi tshi ya phanda na murahu. Nda dzula fhasi kha tshidulo tshițuku tsha kale henehala, tshițuku . . . hu si tshidulo, tshithu tshi no nga kubogisi kwa kale. Huno nda dzula fhasi henehala, nda elekanya, “O Mudzimu, mulandu U tshi ita izwi kha nne?” Nda ri, “Khotsi, U a zwi divha uri ndi a U funa. U a zwi divha zwauri ndi a U funa! Huno a—a—a thi ɻodi u vhuswa nga diabolo. A thi ɻodi zwithu hezwo zwi tshi bvelela kha nne. Ndi a humbela nandi Mudzimu, u songo tsha zwi tendela zwi tshi dovha zwa itea.”

¹⁴⁶ Nda ri, “Ndi—ndi a U funa. A thi ɻodi u ya vhudzulavhafu. Zwi mpfarisa’ni ndi tshi rera nahone ndi tshi lingedza, ndi tshi shumisa nungo dzanga, hu uri ndi na vhukhakhi? Huno a thi khou isa nne fhedzi vhudzulavhafu, ndi khou xedza na vhańwe vha zwigidi.” Kana, vhańwe vha madana maduvhani ayo. Huno nda ri . . . Ndo vha na tshumelo khulu. Huno nda ri, “Ndi zwone, a—a thi ɻodi zwi tshi dovha zwa itea kha nne.”

¹⁴⁷ Huno nda dzula fhasi kha tshidulo hetshi tshițuku. Huno nda didzulela zwanga, yawee, nga hetshi tshiimo, nga ndila *heyi*. Huno, khathihi fhedzi, nda mbo vhona Tshedza tshi tshi penya-penya ngomu nduni. Nda humbula uri muńwe o vha a tshi khou da na tshinainai. Nda sedza thungo dzothe, huno nda elekanya, “Ndi zwavhuđi . . .” Huno Tsho vha tshi henehfo, zwavhuđivhudi phanda hanga. Bodo dza kale dza thanda dzo vha dzi fhasi. Huno Tsho vha tshi henehala, phanda hanga. Na tshițofu tshițuku tsha kale tsha diromu tsho vha tshi khudani, tshipida tsha nga n̄tha tsho vha tshi si tsheeho. Huno—huno *henehfo* nga ngomu ho vha hu na—na Tshedza fhasi, huno nda elekanya, “Zwo ralo, tshiila tshi ngafhi? Zwo ralo, a tshi nga vhi tshi tshi khou da . . .”

¹⁴⁸ Nda sedza thungo dzothe. Huno Khetshi hafha n̄tha hanga, Tshedza *tshenetshino* tshithihi, henehala nga n̄tha hanga, tsho angalala nga ndila *heila*. Tsho vha tshi tshi khou mona sa mulilo, muvhala u wa emeralida, tshi tshi ri, “Whoossh, whoossh, whoossh!” nga u tou ralo, nga n̄tha Hatsho, ngauralo. Huno nda Tshi lavhelesa. Nda elekanya, “Ndi mini Tshiila?” Zwino, Tsha ntshuisa.

¹⁴⁹ Nda pfa muńwe a tshi khou da, [Mukomana Branham u edzisela muńwe ane a khou tshimbila—Mudzudzanyi.] a tshi sokou tshimbila, fhedzi, a songo ambara zwienda. Huno nda vhona mulenzhe wa Munna u tshi dzhena nga ngomu. Ho vha hu na swiswi lufherani, hothe nga nn̄da ha hafha he Tsha vha tshi

tshi vhonetshela fhasi. Huno ndo vha ndo no vhona mulenzhe wa Munna u tshi dzhena. Musi o no dzhena lufherani, a dela ngeno, O vha e Munna a no ḥodou... a tshi vhonala a tshi nga vha na tshireme tshire tsha ḥodou vha phaundu dza madana mavhili. O vha o peta zwanda Zwawe nga ndila *heyi*. Zwino, ndo no di Tshi vhona tshi kha Tshidumbumukwe, ndo no di Tshi pfa tshi tshi amba na nne, nahone ndo no di Tshi vhona tshi nga tshivhumbeo tsha Tshedza, fhedzi ho vha hu lwa u thoma ndi tshi vhona tshifanyiso Tshatsho. Tsho da kha nne, tsinitsini.

¹⁵⁰ Ndi zwone, khonani dzi fulufhedzeaho, ndo—ndo elekanya zwauri mbilu yanga i do ima. Nne... Edzonu elekanya! Divheeni henehala, Tshi do ita uri ni di pfe nga ndila i fanaho na yeneyo. Khamusi ni nga vha no no bvela phanda vhutshiloni u fhira nne, ni nga kha di vha no no fhedza tshifhinga tshilapfunyana ni Mukriste, fhedzi Tshi do ni ita uri ni di pfe nga ndila yo raļaho. Ngauri nga murahu ha u dalelwa ka madana a madana, zwi netisa mirado yanga musi Tshi tshi da tsini. Nga tshiñwe tshifhinga tshi swika hune tsha nnyita... Ndi swika hune nda todou dzidzivhala, nda sokou pfa ndi si na nungo zwifhinga zwintzhi musi ndi tshi ṭuwa puļatifomoni. Arali nda dzula tshifhinga tshilapfu, ndi do swika hune nda si tsha kona na tshithu. Ndo vha ndi tshi ita uri vha endedze na nne u ya ngei na ngei iri dzi re na tshivhalo, ndi sa divhi he nda vha ndi hone. Huno a thi koni u zwi ḥalutshedza. Vhalani hafha fhasi Bivhilini, huno I do Tshi ḥalusa, uri tsho tou ita hani. Luňwalo lu ralo!

¹⁵¹ Ngauralo ndo vha ndo dzula henehala ndo Mu sedza. Ndo—ndo vha ndo imisa tshanda tshanga nga ndila *heyi*. O vha o ntsedza, fhedzi e na mulalo. Fhedzi O vha e na Ipfi lideny, huno A ri, “Ni songo ofha, Ndo rumiwa ndi tshi bva Vhuhoneni ha Mudzimu Ramaandaothe.” Huno musi A tshi amba, Ipfi helo, lo vha li lenelila Ipfi le la amba na nne zwila ndi na miňwaha mivhili, u ya ho ya. Ndo zwi ḥivha zwauri ho vha hu Ene. Huno nda elekanya, “Zwino...”

¹⁵² Huno li pfeni. Zwino thetshellesani nyambedzano. Ndi do amba u ya nga hune nda kona, u ya nga hune nda ḥivha, ipfi nga ipfi, ngauri ndo vha ndi sa nga koni u elelwa zwavhuđi.

¹⁵³ A...nda ri...Nda Mu lavhelesa ngaurali. A ri, “Ni songo ofha,” a tshi tou ambela fhasi, a ri, “Ndo rumiwa ndi tshi bva Vhuhoneni ha Mudzimu Ramaandaothe, u ni vhudza uri mabebo anu a songo ḥoweleaho...” Samusi ni tshi zwi ḥivha zwauri mabebo anga o vha e hani hafhala n̄tha. Tshedza tshenetshila tshithihi tsho vha tshi nga n̄tha hanga ndi tshi thoma u bebwa. Huno ngauralo A ri, “Mabebo anu a kanukisaho na vhutshilo vhu sa pfectesei zwe vha zwa u sumbedza uri ni tea u ya lifhasini lothe na rabelela vhatu vha vhaisalaho.” Huno A ri, “Nahone a zwi na ndavha uri vha na mini...” Huno A ḥalutshedza. Mudzimu, Ane a vha Muhačuli wanga, u a ḥivha. Zwařuri, O ḥalutshedza nga ha “pfuko.” A ri, “A hu na... Arali na ita uri vhatu vha tende

zwine na amba, nahone na fulufhedzea musi ni tshi rabela, a hu na tshine tsha do thithisa thabelo dzaṇu, naho hu pfuko zwayo.” Vhonani, “Arali na ita uri vhathu vha tende zwine na amba.”

¹⁵⁴ Huno nda zwi vhona zwauri O vha a si swina la—langa, O vha e Khonani yanga. Huno ndo vha ndi sa divhiuri kana—kana ndo vha ndi tshi khou lovha kana ho vha hu tshi khou itea mini musi A tshi da kha nne nga ndila heiła. Huno nda ri, “Zwo luga, Muṇe wanga,” nda ri, “Ndi . . .” Ndo vha ndi tshi divha mini nga ha phodzo na zwithu zwi no nga izwo, mikovhe iyo? Nda ri, “Zwo luga, Muṇe wanga, ndi . . . ndi—ndi munna a re mushai.” Huno nda ri, “Ndi vhukati ha vhathu vhanga. Ndi—ndi dzula na vhathu vhanga vha shayaho. A tho ngo funzea.” Huno nda ri, “Huno a—a—a thi nga koni, a vha nga do—a vha nga do mpfesesa.” Nda ri, “Vha—vha nga si—vha nga si mpfe.”

¹⁵⁵ Huno A ri, “Vhunga muporofita Mushe o newa zwifhiwa zwivhili, zwiga,” ndi khou amba zwenezwo, “u khwaṭhiseda tshumelo yawe, ngauralo inwi ni do newa zwivhili—ngauralo no newa zwifhiwa zwivhili u khwaṭhiseda tshumelo yanu.” A ri, “Tshiñwe tshazwo tshi do vha tsha uri ni do fara muthu ane na khou mu rabelela nga tshanda, nga tshanda tshanu tsha monde na tshanda tshavho tsha u la,” nahone a ri, “zwino-ha imani zwanu ni dzike, huno tshi do vha na . . . hu do vha na tshi pfalaho tshi tshi itea muvhilini wanu.” Huno a ri, “Ni do kona-ha u rabela. Huno arali tshi tshi ḥuwa, vhulwadze ho ḥuwa kha vhathu. Arali tshi sa ḥuwi, tanu u humbela phaṭhutshedzo fhedzi ni di ḥutshele.”

“Ndi zwone,” nda ri, “Muṇe wanga, ndi a ofha zwauri a vha nga do ntanganedza.”

¹⁵⁶ A ri, “Huno tshi tevhelaho tshi do vha, arali vha sa pfi itsho, hetshi vha do tshi pfa.” A ri, “Zwino-ha hu do swika hune na do divha tshiphiri tshi re mbiluni dzavho.” A ri, “Hetshi vha do tshi pfa.”

¹⁵⁷ “Ndi zwone,” nda ri, “Muṇe wanga, ndi ngazwo ndi fhano madekwana ano. Vhafunzi vhanga vho no mmbudza zwauri zwithu hezwiла zwe zwa vha zwi tshi ndela zwo khakhea.”

¹⁵⁸ A ri, “No bebelwa wonoyo mushumo fhano shangoni.” (Vhonani, “mikovhe na mbidzo a zwi na tshanduko.”) A ri, “No bebwaa shangoni ili u itela mushumo wonoyo.”

¹⁵⁹ Huno nda ri, “Ndi zwone, Muṇe wanga,” nda ri, “zwauri, vhafunzi vhanga vho mmbudza ngā hazwo, zwauri ho vha hu—hu maya muvhī.” Huno nda ri, “Vha . . . Ndi ngazwo ndi fhano ndi tshi khou rabela.”

¹⁶⁰ Huno khezwi zwe A mmbudza. O nnyanetshela nga ha u da ha Murena Yesu, tshifhingani Tshawe tsha u ranga. Huno nda ri . . .

¹⁶¹ Tshithu tshe tsha vha tshi tshi kanukisa, khonani... Ndi zwone, ndi do ima heneffa lwa tshifhinganyana, nda humela murahu. Tshe tsha nnyita uri ndi ofhe lwo kalulaho, tshifhinga tshothe ndi tshi tangana na mudziaubvumba, vho vha vha tshi limuwa zwauri ho itea tshiñwe tshithu. Huno izwo zwe vha zwi tshi do sokou... zwe todou mbulaha.

¹⁶² Sa tsumbo, liñwe duvha nne na vhazwala vhanga ro vha ri tshi khou tselo fhasi ri tshi fhira vhukati ha—ha fhethu he ha vha hu na munyanya, huno ro vha ri tshi tou vha vhatukana zwavho, ri tshi ditshimbilela. Ngauralo ho vha hu na mudziaubvumba muñuku wa kale o dzulaho nnnda hangei nga ngomu ha liñwe la madennde, musidzana, musidzana wa u naka, o vha o dzula heneffala. Huno rothe ro vha ri tshi khou tuwa, ri tshi khou fhira. A ri, “Hee, vhoiñwi, edzonu da lwa tshifhinganyana!” Huno vhuraru hashu riñe vhañhingga ra rembuluwa. Huno a ri, “Inwi a re na dzhesi ndenya ya mitalomitalo.” Ho vha hu nne.

¹⁶³ Huno nda ri, “Vha ri mini, vhomme?” Ndo humbula zwauri khamusi o vha a tshi todøuri ndi mu wanele khoukhu, kana tshiñwe tshithu tshi no nga yone. Huno o vha e—e mufumakadzi muswa, e na miñwaha ine ya fhiranyana fumbili, kana tshiñwe, o dzula heneffala. Huno nda sendela, nda ri, “Ee, vhomme, ndi nga vha thusa hani?”

¹⁶⁴ Huno vha ri, “Edzonu uri, naa no zwi ñivha zwauri hu na—Tshedza tshire tsha ni tevhela? No bebwä hu na tshiga.”

Nda ri, “Vha khou amba mini?”

¹⁶⁵ Vha ri, “Ndi zwone, no bebwä hu na tshiga. Hu na Tshedza tshire tsha ni tevhela. No bebwä ni na mbidzo Khethwa.”

Nda ri, “Tuwanî hafha, mufumakadzi!”

¹⁶⁶ Nda thoma u tuwa, ngauri mme anga vho vha vha tshi dzulela u mmbudza zwauri zwithu hezwo ndi zwa Diabolo. Vho vha vhe kha ngoho. Ngauralo nda... Helo lo ntshuisa.

¹⁶⁷ Huno liñwe duvha musi ndi tshi kha di vha mulondoti wa phukha, ndo vha ndi tshi tshimbila ngä bisi. Huno nda namela bisi. Zwifhinga zwe the ndo vha ndi tshi vhonala ndi tshi langiwa nga mimuya. Ndo vha ndo ima heneffala, huno muendangagungwa uyo o vha o ima murahu hanga. Huno ndo vha ndi tshi khou ya u linda, nahone ndo vha ndi tshi khou yo swika ngei Henryville Forestry, ndi bisini. Nda dzulela u pfa tshiñwe tshithu tshi songo ñoweleaho. Nda sedza thungo dzothe ngomu heneffala, huno ho vha hu na—na mufumakadzi muhuluhulu mudenya o dzulaho heneffala, o ambara lwa vhudele. A ri, “Hu ita hani?”

Nda ri, “Ndi hone!”

¹⁶⁸ Nda humbula zwauri o vha a tshi sokou vha mufumakadzi zwawe, ni a ñivha, a tshi khou amba, ngauralo nda sokou dzulela... A ri, “Ndi todøu a amba na inwi lwa tshifhinganyana.”

Nda ri, "Vha ri mini, vhomme?" Huno nda rembuluwa.

Vha ri, "No zwi ḋivha zwauri no bebwa hu na tshiga?"

¹⁶⁹ Nda elekanya, "Ndi muñwe wa vhafumakadzi vha sa ḋivhalei." Ngauralo nda sokou sedza nn̄da. Huno ngauralo a tho ngo vhuya nda amba tshithu, nda sokou dzulela . . .

¹⁷⁰ Vha ri, "Ndi nga amba na inwi lwa tshifhinganyana?" Huno nda sokou dzulela . . . Vha ri, "Ni songo ita ngauralo."

¹⁷¹ Nda sokou dzulela u sedza phanda. Nda elekanya, "Hezwi a si u ḋifara zwavhud̄i."

Vha ri, "Ndi khou tama u amba na inwi lwa tshifhinganyana."

¹⁷² Nda sokou dzulela u sedza phanda, nahone nda si vhe na ndavha navho. Nda humbula zwavhud̄i, "Ndi tenda zwauri ndi do vhona arali vha tshi amba u fana na vhañwe vhothe." Nda rembuluwa, nda elekanya, "Yawee, zwanga nn̄nenne! Hezwo zwi do ntshuisa, ndi a ḋivha." Ngauri, ndo vha ndi tshi vhenga u elekanya nga hazwo. Nda rembuluwa.

¹⁷³ Vha ri, "Khamusi ndi khwine ndi tshi ḋitalusa." Vha ri, "Ndi mugudi wa ɣaledzi."

Nda ri, "Ndo humbula zwauri vha tshiñwe tshithu tshi fanaho na tshenetsho."

¹⁷⁴ Vha ri, "Ndi ndilani yanga ya u ya Chicago u vhona mutukana wanga a re mufunzi wa Mubaphuthisi."

Nda ri, "Ee, vhomme."

¹⁷⁵ Vha ri, "Hu na we a ni vhudza zwauri no bebwa hu na tshiga?"

¹⁷⁶ Nda ri, "Hai, vhomme." Ndo vha zwifhela, ni a vhona, huno nda ri . . . ndo vha ndi tshi khou ṭoda u vhona fhedzi zwe vha vha tshi khou yo amba. Huno vha ri . . . nda ri, "Hai, vhomme."

Huno vha ri, "A hu athu . . . Vhafunzi a vha athu ni vhudza?"

Nda ri, "A thi na mukovhe na vhafunzi."

Huno vha ri, "Uh-huh."

Huno nda ri . . . vha—vha ri kha nñe . . . nda ri, "Ndi zwone . . ."

¹⁷⁷ Vha ri, "Arali nda ni vhudza uri zwa vhukuma no bebwa lini, ni do ntenda naa?"

Nda ri, "Hai, vhomme."

Huno vha ri, "Naho zwo ralo, ndi nga ni vhudza uri no bebwa lini."

Nda ri, "A thi zwi tendi."

¹⁷⁸ Huno vha ri, "No bebwa nga ḥa 6 ḥa Lambamai, nga ńwaha wa 1909, nga iri ya vhuṭanu n̄tha ha tshithoma nga matsheloni."

¹⁷⁹ Nda ri, “Ndi zwone.” Nda ri, “Vha zwi ḋivha hani izwo?” Nda ri, “Kha vha vhudze hoyu muendangagungwa a re fhano uri o bebwā lini.”

Vha ri, “Ndi nga si kone.”

Huno nda ri, “Malandu? Vha zwi ḋivha hani?”

¹⁸⁰ Vha ri, “Vhonani, muñe wanga.” Vha ri, musi vha tshi thoma u amba nga ha iyo pfunzo ya ḥaledzi zwino, vha ri, “Kha miñwaha miñwe na miñwe i re na tshiyhalo . . .” Vha ri, “Ni a elelwa musi ḥaledzi ya mutsho i tshi da, heyo yo rangaho phanda vhanna vha vhuṭali vha tshi ya ha Yesu Kristo?”

¹⁸¹ Huno nda thoma u ongolowa, ni a ḋivha, nda ri, “Zwo ralo, a thi ḋivhi tshithu nga ha vhurereli.”

¹⁸² Huno vha ri, “Ndi zwone, no no di pfa nga ha vhavhuṭali vha tshi da u vhona Yesu.”

Nda ri, “Ee.”

Huno vha ri, “Zwo ralo, munna wa vhuṭali o vha e nnyi?”

“Oo,” nda ri, “vho vha vha tshi tou vha vhanna vho ḥalifhaho, ndi zwenezwo zwine nda ḋivha.”

¹⁸³ Vha ri, “Zwo ralo, munna wa vhuṭali ndi nnyi?” Vha ri, “Tshenetsho tshithu tshine nda vha tshone, mugudi wa ḥaledzi, ‘musedzi wa ḥaledzi’ vha vha vhidza ngauralo.” Huno vha ri, “Ni a ḋivha, musi Mudzimu a sa athu ita tshithu kha—kha lifhasi, tshifhinga tshoṭhe U tshi ḋivhadza ṭaḍulu, a kona u tshi dzumbululela lifhasi.”

Huno nda ri, “A thi ḋivhi.”

¹⁸⁴ Huno vha ri, “Zwo ralo . . .” Vha vhidza mbili kana tharu, mbili . . . ḥaledzi tharu, u fana na Mars, Jupiter, na Venus. Dzo vha dzi si dzone, fhedzi vha ri, “Dzo fhambana ndilani dzadzo huno dza ṭangana dza ita . . .” Vha ri, “Ho vha hu na vhanna vhararu vha vhuṭali vho daho u ṭangana na Murena Yesu, huno muñwe o vha a tshi bva kha lushaka lwa Hamu, muñwe a tshi bva kha lwa Semu, uña muñwe kha lwa Yafete.” Huno vha ri, “Musi vha tshi ṭangana Bethlehem, ḥaledzi tharu dze vha vha vha tshi bva khadzo . . . Muthu muñwe na muñwe shangoni,” vha ri, “u na vhushaka na ḥaledzi.” Vha ri, “Vhudzisani uña muendangagungwa fhaṭa uri musi ḥwedzi u tshi dzula na tshiedza tsha ṭaḍulu tshi tshi bva, gabelo a li ṭuwi nawo ḥa dovha ḥa vhuya naa.”

Nda ri, “A thi tei u vha vhudzisa hezwo, ndi a zwi ḋivha.”

¹⁸⁵ Huno vha ri, “Ndi zwone, mabebo aṇu a na vhushaka na ḥaledzi hangei nt̄ha.”

Huno nda ri, “Zwo ralo, hezwo a thi zwi ḋivhi.”

¹⁸⁶ Huno vha ri, “Zwino, havha vhanna vhararu vha vhuṭali vho da.” Huno vha ri, “Musi ḥaledzi hedzo tharu, musi dzi tshi . . .” Vha bva matungoni o fhambanaho huno vho ṭangana Bethlehem.

Huno vha ri vho ḥodisisa vha ita na u vhudzisa, huno muňwe o vha a tshi bva lushakani lwa Hamu, Semu, na Yafete, vharwa vhararu vha Noaxe.” Huno vha ri, “Zwenezwo vho mbo da vha losha Murena Yesu Kristo.” Huno vha ri, “Musi vha tshi ḥuwa,” vha ri, “vho q̄isa zwifhiwa vha Mu n̄ea.”

¹⁸⁷ Huno vha ri, “Yesu Kristo o amba tshumeloni Yawe zwauri musi Mafhungo-Maqifha haya o no rerwa lifhasini lothe (vhathu vha Hamu, Semu na Yafete), U do kona-ha u dovha u da.” Huno vha ri, “Zwino, zwiedza hezwo, zwiedza zwa ḥadulu, musi zwi tshi mona . . .” Vha ri, “Zwo khaukana. A zwi athu dovha zwa vha hone lifhasini u bva tsheetsho, u ya nga hune zwa divhiwa ngaho. Fhedzi,” a ri, “miňwahani ya mađanadana miňwe na miňwe, dzi fhambana u monani hadzo nga ndila *heyi*.” Arali hu na mugudi wa naledzi fhano, ni nga divha zwe a vha a tshi khou amba nga hazwo. Nne a thi divhi. Ngauralo musi vha tshi khou amb- . . . Vha ri, “Dzi fhambana nga ndila *heyo*.” Huno vha ri, “Hu tshi humbulwa nga ha Tshifhiwa tshihulwanesa tshe tsha nekedzwa vhathu, musi Mudzimu a tshi nekedza Murwa Wawe. Musi zwiedza hezwi zwi tshi dovha u fhambana, mulandu,” vha ri, “U rumela tshiňwe tshifhiwa lifhasini.” Huno vha ri, “No bebiwa tshifhingani tsha u fhambana ha musi uyo.” Huno vha ri, “Ndi zwe ngazwo nda zwi divha.”

¹⁸⁸ Zwo ralo, nda mbo ri, “Mufumakadzi, tsha u thoma, a thi tendi tshithu nga hazwo. A thiho kha vhurereli, nahone a thi ḥodi u dovha nda pfa tshithu nga hazwo!” Nda ḥuwa. Huno ngauralo nda vha kaṭudza. Ngauralo nda bvela phanda.

¹⁸⁹ Huno tshifhinga tshiňwe na tshiňwe . . . musi ndi tshi ḥangana na muňwe wavho, zwo vha zwi tshi itea nga u tou ralo. Huno nda elekanya, “Ndi nga’ni madimoni a tshi ita hezwo?”

¹⁹⁰ Zwenezwo vhareri, vha tshi ri, “Hetsho ndi Diabolo! Hetsho ndi Diabolo!” Vho mbo ita uri ndi zwi tende.

¹⁹¹ Huno-ha vhusiku honoho afho n̄ha musi ndi . . . musi A tshi amba nga ha hezwo, nda Mu vhudzisa, nda ri, “Zwo ralo, ndi nga’ni ayo manowa na zwiňwe zwi no nga zwenezwo, hu tshi katelwa na vhathu vha re na mimuya mivhi, vha tshi dzula vha tshi mmbudza nga Hatsho; na vhafunzi avho, vharathu vhanga, vha mmbudza zwauri ndi zwa muya muvhi?”

¹⁹² Ndo thetshesela zwe A amba, Ene hoyu O angalalahlo kha itsho tshifanyiso. A ri, “Vhunga zwo vha zwo ralo tshifhingani itsho, zwo ralo na kha tshino tshifhinga.” Huno A thoma u amba na nne, nga ha uri, “Musi tshumelo ya Murena washu Yesu Kristo i tshi thoma u vha hone, vhafunzi vho ri, ‘O vha e Belesebulu, Diabolo’; fhedzi madimoni o ri, ‘O vha e Murwa wa Mudzimu, Mukhethwa wa Isiraele.’ Madimoni . . . Huno sedzani Paulo na Baranaba musi vhe hangei n̄ha vha tshi khou rera. Vhafunzi vho ri, ‘Havha vhanna vha shandukisa lifhasi. Ndi vhavhi, vha tou—vha tou vha Diabolo.’ Huno mudziaubvumba muťuku

nn̄da ngei tshiṭaraṭani, a limuwa zwauri Paulo na Baranaba vho vha vhe vhalanda vha Mudzimu, a ri, ‘Ndi vhalanda vha Mudzimu vha no ri vhudza nga ha ndila ya Vhutshilo.’’ Naa ndi zwone? ‘Vhoramimuya na vhadziaubvumba, vhatu vha re na madimoni.’

¹⁹³ Fhedzi ri mbwandamela ngomu kha pfunzo ya vhurereli u swikela ri si tsha divha tshithu nga ha Muya. Ndi fulufhela uri ni do mpfuna nga murahu ha hezwi. Fhedzi ndi zwine zwa vha zwone. Ndi khou amba Pentekoste, na yone-vho! Ndi zwone. U sokou ṭavha mukosi na u tshina a zwi ambi uri ni divha tshithu nga ha Muya lini.

¹⁹⁴ Vhukwamani ha vhuṇe, tshifhaṭuwo nga tshifhaṭuwo, hezwo ndi zwine na tea u vha nazwo. Holwo ndi lwone lūshaka lwa Tshivhidzo tshine Mudzimu a ḥodou tshi vusa, ndi zwone, musi vha tshi kuvhangana vhe na pfano na maanda, vhe Muyani.

¹⁹⁵ Huno A amba nga ha hezwo. Huno A mmbudza nga ha ndila ye vhafunzi vha kundelwa u Tshi pfesesa, a ḥanziela o khwaṭha zwauri vhafunzi a vho ngo Tshi pfesesa. Huno musi O mmbudza zweṭhe maelana na hezwi na nga ndila ye Yesu . . .

¹⁹⁶ Nda ri, “Zwo ralo, mulandu ndi mini nga ha hezwi zwithu zwine zwa itea kha nn̄e?”

¹⁹⁷ Huno, ni a vhona, A ri, “Hezwo zwi do engedzea nahone zwa hulela zwa dovha.” Huno A amba na nn̄e, a tshi mmbudza nga ha uri Yesu o zwi ita hani; nga ndila ye A da na zwauri O vha e na Maanda e a vha a tshi kona u divha zwithu zwi sa athu bvelela a dovha a vhudza mufumakadzi tshisimani, a sa dirwi khana zwauri ndi ene mufhodzi a amba la u ita hezwo zwithu vhunga Khotsi o Mu sumbedza.

Nda ri, “Zwo ralo, uyo muya wo vha u wa lushaka-de?”

A ri, “Wo vha u Muya Mukhethwa.”

¹⁹⁸ Zwenezwo benefho ho mbo itea tshiñwe tshithu ngomu hanga, nda zwi vhona zwauri tshithu tsha vhukuma tshe nda tshi furalela tsho vha tshone tshe Mudzimu a nndisela tshone fhano. Huno nda limuwa zwauri zwo vha zwi tshi fana na zwa vhaṭa Vhafarisei maduvhani o fhiraho, vho ntalutshedza Luiwalo nga ndila yo khakheaho. Ngauralo u bva afho nda Tshi pfesesa nga ndila yanga, zwe Muya Mukhethwa a amba.

Nda Mu vhudza, “Ndi do ya.”

A ri, “Ndi do vha na inwi.”

¹⁹⁹ Huno Muruṇwa a dovha a dzhena Tshedzani tshe tsha thoma u mu tingeledza tsha dovha, nahone tsha mu tingeledza tsha dovha, tsha dovha tsha mona na milenzhe Yawe ngauralo, a gonyela n̄tha ngomu Tshedzani a bva tshifhaṭoni.

Ndo ya hayani ndi muthu muswa.

²⁰⁰ Ndo ya tshivhidzoni nda vhudza vhatu nga hazwo. Ho...
hu nga Swondaha vhusiku.

²⁰¹ Huno vhusiku ha Lavhuraru vha disa muñwe mufumakadzi henengei, muñwe wa vhaongi vha Mayo a tshi khou lovha nga pfuko, ho tou qisalela murunzi fhedzi. Musi ndi tshi tsela fhasi u mu fara, ho mbo da bono u thoma, la sumbedza o vhuyelela vhuongini. Huno u kha mutevhe wa madzina Louisville, "o lovha miñwahani minzhi yo fhiraho." Khoula ngei Jeffersonville zwino, u khou onga, ho no fhela miñwaha a tshi khou onga. Hone, ndo mbo sedza ngei n̄tha, huno ndo mbo vhona lila bono. Nda rembuluwa, ndi sa divhi zwe nda vha ndi tshi khou ita, ndo ima henefhała, nda tetemela musi vha tshi thoma u disa vhula vhuleme vha vhu kudza henefhała. Huno vhaongi na zwithu zwe vha two ima two mu tingledza, ene o lala henefhała, nahone tshifhačuwo tshawe tsho swifhalelwana mačo awe o fovhela.

²⁰² Margie Morgan. Arali ni tshi ḥoda u mu ñwalela, ndi 411 Knoblock Avenue, Jeffersonville, Indiana. Kana ni ñwalele kha Clark County Hospital, Jeffersonville, Indiana. Ni ri a ni nee vhu-vhučanzi.

²⁰³ Nda sedza fhała fhasi. Huno fhała kha vhuła vhuleme ha u thoma, nda vhona afho hu tshi bvelela, ha mbo da bono. Nda vhona ula mufumakadzi a tshi dovha a onga, a tshi tshimbilatshimbila, e wavhudí o khwačha nahone e na mutakalo. Nda ri, "MURENA URALO, 'Ni do tshila a ni nga lovhi!'"

²⁰⁴ Munna wawe, ane a vha wa maimo kha zwithu zwa lino lifhasi, a ntseidza nga ndila *heyi*. Nda ri, "Mune wanga, vha songo ofha! Mufumakadzi wavho u do tshila."

²⁰⁵ Vha mmbidzela nn̄da, vha ri...vho vhidza vhomaine vhavhili kana vhararu, vha ri, "Ni a vha divha naa?"

Nda ri, "Ee."

²⁰⁶ "Malandu," vha ri, "Ndo tamba golofu navho. Vha ri, 'Pfuko yo mona dangani hawe, ni nga si vhuye na kona na u mu ḥanzwa nga enema.'"

²⁰⁷ Nda ri, "A thi na ndavha uri u na mini! Tshithu tshi hone ngomu hafha, ndo vhona bono! Huno ula Munna we a mmbudza, o ri, tshiñwe na tshiñwe tshe na tshi vhona, arali nda tshi amba fhedzi tshi do vha nga u tou ralo. O mmbudza huno ndi a tenda."

²⁰⁸ Rendani Mudzimu! Nga murahu ha mađuvha a si gathi o vha a tshi vho ḥanzwa zwiambaro zwawe, a tshi vho tshimbilatshimbila. U na tshileme tshire tsha ḥodou swika phaundu dza qafurathičhanu zwino, o tou nzhalo.

²⁰⁹ Zwenezwo musi ndo no ḥanganedza, tsha ḥuwa. Ndi hezwi Robert Daugherty a tshi mmbidza. Huno khetshi tsho ḥuwa, tsha ya nn̄da tsha buđekanya Texas, na lifhasi.

²¹⁰ Huno vhuñwe vhusiku, zwifhinga zwine zwa ḥodou vha zwiñca kana zwičanu afho nn̄da... Ndo vha ndi sa pfesesi zwa

u amba nga ndimi na zwiñwe. Ndo tenda kha ndovhedzo ya Muya Mukhethwa, nda tenda zwauri vhatu vha nga amba nga ndimi. Huno vhuñwe vhusiku musi ndi tshi khou ya ngei... thembeleni khulwane, San Antonio, Texas, ndi tshi bva fhaļa, mutukana we a vha o dzula afho n̄tha a thoma u amba nga ndimi sa tshigidi tshi tshi thuntsha, kana matshinigani, nga u ḥavhanyedza. Ngei murahu, murahurahu henengei, muthannga a takuwa a ri, “MURENA U RALO! Munna ane a khou ya pulatifomoni u khou ya phanda na tshumelo yo tiwaho nga Mudzimu Ramaanda othe. Huno vhunga Yohane Mulovhedzi o rumiwa sa murangaphanda wa u thoma wa u da ha Yesu Kristo, ngauralo hoyu o hwala Mulaedza une wa do khunyeledza U da ha Vhuvhili ha Murena Yesu Kristo.”

²¹¹ Ndo ḥodou fhanduwa luvalo. Nda sedza n̄tha, nda ri, “Ni a mu divhā uña munna?”

A ri, “Hai, muñe wanga.”

Nda ri, “Ni a mu divhā naa?”

A ri, “Hai, muñe wanga.”

Nda ri, “Ni a nn̄divhā naa?”

A ri, “Hai, muñe wanga.”

Nda ri, “Ni khou ita mini fhano?”

²¹² A ri, “Ndo zwi vhala kha bammbiri.” Huno nga misi... Hoho ho vha hu vhusiku ha u thoma ha tshumelo.

Nda sedza hangei nda ri, “No da hani fhano?”

²¹³ A ri, “Vhariwe vha hashu vho mmbudza uri vhone vha khou da fhano, ‘mufhodzi a bvaho Mudzimuni,’ nda mbo da.”

Nda ri, “Ni a divhana naa?”

A ri, “Hai.”

²¹⁴ Yawee, nn̄enne! Heneffo nda zwi vhone zwauri maanda a Muya Mukhethwa eneo... He tshinwe tshifhinga tsho fhiraho nda vha ndo humbula zwauri two khakhea, ndo divhā zwauri ndi... Onoyu Muruňwa wa Mudzimu o vha e na vhushaka na vhatu vhe vha vhe na hezwo zwithu. Naho vho no posela ngomu nahone hu na muvanganayo munzhi na zwinzhi zwi sa ri tshithu ngomu hatsho, fhedzi nga ngomu heneffala ho vha hu na tsha vhukuma. [A hu na tshithu kha theiphi—Muždzudzanyi]... Kristo. Huno ndo vha ndo no zwi vhone zwauri two—two vha zwi zwone.

²¹⁵ Oo, miñwaha ya ḥandulukana i tshi ya, huno tshumeloni vhatu vho vha vha tshi vhone, mabono na zwiñwe-vho.

²¹⁶ Nga tshinwe tshifhinga mufodi a Tshi dzhia tshifanyiso musi ndo ima fhasi huñwe fhethu Arkansas, ndi tenda uri ho vha hu heneffo, tshumeloni i no ḥodou nga heyi, oditoriamu i no ḥodou nga heyi. Huno ndo vha ndo ima, ndi tshi khou lingedza u Tshi ḥalutshedza. Vhatu vho vha vha tshi divhā, vha tshi

ya vha dzula vha thetshelesa, Vhameṭhodisi, Vhabaphuthisi, Vhapuresbiterieni, na vhañwe-vho. Huno-ha nda tea u sedza, ndi tshi dzhena munangoni, khetshi Tshi khou ḏa, tshi tshi ri, “Whoossh, Whoossh!”

²¹⁷ Nda ri, “A thi tsha ḏo dovha nda amba, ngauri khetshi Tshi khou da zwino.” Huno Tsha ya n̄tha, vhatu vha thoma u ṭavha mukosi. Tsha ḏa he nda vha ndi hone tsha tsela fhasi henehala.

²¹⁸ Musi Tshi tshi kha di tsela fhasi, mufunzi a ḏa a ri, “Edzonu ri, ndi khou vhona Hetshila!” Huno Tsha mu kombodza lwa—lwa mafhelelo, a pepelekela murahu. Ni nga kha di sedza tshifanyiso tshawe henehala buguni na vhona a tshi pepelekela murahu ḥohoh yawe yo tsela fhasi nga ndila heyi. Ni nga vhona tshifanyiso tshawe.

²¹⁹ Huno Tsha tsela fhasi henehala. Mufodi wa gurannda ndi ene fhedzi we a Tshi dzhia tshifanyiso tshifhingani itsho. Fhedzi Murena o vha a sa athu dilugisa.

²²⁰ Huno vhuñwe vhusiku ngei Houston, Texas, musi, oo, zwigidi zwi tshi andiswa nga zwigidi zwa vhatu . . . Ro vha ri na madana a malo . . . zwigidi zwa malo henengei namudze, henengei holoni ya muzika, ra vhuya ra ḏa Kholosiamuni khulwane ya Sam Houston.

²²¹ Huno henengei khanedzanoni vhusiku honoho, mureri wa Mubaphuthisi o amba a ri n̄ne “a thi tshithu ndi tou vha fhedzi mudziaudiitisa wa fhasisa a re mudziaufhura, mudziaufhura wa mutendi, huno ndi tea u pandelwa mudini” nahone ndi ene ane a tea u zwi ita.

²²² Mukomana Bosworth a ri, “Murathu Branham, naa ni ḏo tendela tshithu tsho ralaho tshi tshi itea? Mu iteleni khaedu!”

²²³ Nda ri, “Hai, mune wanga, a thi tendi kha u ṭaṭa khani. Mafhundo-Madifha ho ngo itelwa u ṭaṭa khani ngao, O itelwa uri a tshilwe.” Huno nda ri, “A zwi na ndavha uri vha ita mini uri a tende, u ḏo di sokou bvela phanda nga ndila yeneyo nthihi.” Nda ri, “U . . . a vha nga mu shandukisi. Arali Mudzimu a sa koni u amba na mbilu yawe, n̄ne ndi nga kona hani?”

²²⁴ Duvha li tevhelaho la bvelela, la ri, “Zwi a sumbedza uri naa ndi vhatu-de,” lone Houston Chronicle. La ri, “Zwi a sumbedza uri naa ndi vhatu-de, vha shavha u pika tshire vha tshi rera.”

²²⁵ Mualuwa Mukomana Bosworth vha ḏa kha n̄ne, vho vha vhe kha makole a vhufusumbe tshifhingani itsho, mukomana mufunwa wa kale, a nkhavara, a ri, “Murathu Branham,” a ri, “ni amba zwauri ni khou ya u fhambana natsho?”

²²⁶ Nda ri, “Hai, Mukomana Bosworth. Hai, mune wanga. A thi nga zwi tevheli.” Nda ri, “A zwi farisi tshithu.” Nda ri, “Zwi sokou vhanga muṭasano musi ri tshi ṭuwa pulatifomoni.” Nda ri, “Ndo fara tshumelo zwino, huno a thi khou ḫoda u ṭanganyisa zwithu nga ndila heyo.” Nda ri, “Kha vha mu litshe

a ise phanda.” Nda ri, “Ndi zwenezwo fhedzi, u khou sokou ita phosho.” Nda ri, “Ro no vhuya ra vha navho, huno a zwi farisi tshithu u amba navho.” Nda ri, “Vha do di bvela phanda, vho dirindidza.” Nda ri, “Arali vho vhuya vha tanganedza ndivho ya Mafhungo-ngoho huno vha vho da vha A landula, Bivhilì i ri vho no pfuka mukano huno a vha tsha do hangwelwa lifhasini ili kana kha li daho. Vha Tshi vhidza ‘Diabolo’ nahone a vha koni u difara. Vho dala maya wa vhurereli une wa vha wa Diabolo.”

²²⁷ Ndi vhangana vha no divha uri izwo ndi ngoho, zwauri maya wa muvhì u na tshifanyiso tsha vhurereli? Ee, muñe wanga, vha kha muteo u ya nga hune vha kona. Huno ngauralo, zwenezwo, hezwo a zwe ngo pfalesa zwiña ndi tshi ri “kha muteo,” fhedzi heyo ndi ngoho. “Vha na tshifanyiso tsha vhurereli ngeno Maanda aho vha tshi a landula.” Ndi zwone. Zwigà na madembe ndi zwone zwi tanzielaho Mudzimu, tshifhinga tshothe. Huno O amba zwauri zwi do vha ngauralo mađuvhani a vhufhelo. Huno-ha dzhielani nzhele!

²²⁸ Mualuwa Mukomana Bosworth, ndi...vho vha vha tshi khou do da na nne, huno vho vha vho neta. Vho vhuya Japan. Vho vha vha tshi khou tea u vha fhano. Vha do vha vhe na nne ngei Lubbock. Ngauralo vho vha vhe...vho vha vhe na mukhushwaninyana, wo vhifhaho, ngauralo vho kundelwa u da kha heyi, vhone na mufumakadzi wavho. Huno ngauralo vho...

²²⁹ Vhothe vho elekanya zwauri vho vha vha tshi fana na Kalebe. Vho ima henefhala, vha ri, “Ho luga, Murathu Branham,” honohula u lavheleswa nga ndila ya khuliso, ni a divha, vha ri, “nditsheni ndi yo zwi ita” nahone vha ri “arali ni sa ṭodi u zwi ita.”

²³⁰ Nda ri, “O Mukomana Bosworth, a—a thi khou ṭoda vha tshi zwi ita. Vha do dzhena khanedzanoni.”

Vha ri, “A hu nga do vha na ipfi na lithihi la khanedzano.”

²³¹ Zwino, zwenezwi ndi sa athu vala, ipfani heli. Vha tsela henengei. Nda ri, “Arali vha sa do ṭata khani, zwe luga.”

Vha ri, “Ndi fulufhedzisa zwauri a thi nga do ṭata khani.”

²³² Vhatu vhane vha ṭodou swika zwigidi zwa mahumi mararu vha kuvhangana ngomu kha oditoriamu vhusiku honoho. Murathu Wood, o dzulaho hangeno, o vha e hone tshifhingani itsho, huno o vha o dzula ngomu kha ila oditoriamu. Huno nda...

²³³ Mutukana wanga a amba, kana...Mufumakadzi wanga a ri, “A ni khou ya mułanganoni uła?”

²³⁴ Nda ri, “Hai. Ndi nga si tsele hone nda pfa vha tshi ṭatisana. Hai, muñe wanga. A thi nga do tsela hone nda i thetshelesa.”

Musi hu tshi vha vhusiku, Tshiñwe tsha ri, “Tselani hangei phasi.”

²³⁵ Nda wana thekisi, murathu wanga, na mufumakadzi na vhana vhanga, ra ya. Huno ndo vha ndo gonyela balikonini ya furaru, n̄tha nga ndila heyo, nda dzula fhasi.

²³⁶ Mualuwa Mukomana Bosworth vha bva vha ya henengei vha tshi tou nga mudipułomati wa kale, ni a divha. Vho vha vho no di kopolola dzinwe... Vho vha vhe na pfulufhedziso dzo fhambanaho dza Bivhili dzi no swika madana a rathi dzo kopololwaho henehala. Vha ri, "Zwino, Dokotela Best, arali na da ngeno nahone ni tshi do dzhia iñwe ya pfulufhedziso hedzi na i hanedza nga Bivhili. Inwe na iñwe ya pfulufhedziso idzi i ngomu Bivhilini, i amba nga ha Yesu Kristo a tshi khou fhodza vhalwadze tshifhingani tshino. Arali na dzhia iñwe ya pfulufhedziso idzi nahone, nga Bivhili, na i hanedza nga Bivhili, ndi do dzula fhasi, nda ni khađa, nda ri, 'no kona.'"

²³⁷ A ri, "Heļo ndi do li dzhieila nzhele musi ndi tshi swika ngei n̄tha!" O vha a tshi ḥoda u vha mafhedziselonu uri a kone u shumana na Mukomana Bosworth, ni a vhona.

²³⁸ Ngauralo Mukomana Bosworth vha ri, "Zwo ralo, Murathu Best, ndi do ni vhudzisa mbudziso nthihi, huno arali na mphindula nga u to ri 'ee' kana 'hai,'" vha ri, "ri do tou fhedza khanedzano zwinozwino."

Huno a ri—a ri, "Heļo ndi do li dzhieila nzhele!"

Vha vhudzisa mulangi wa khanedzano uri naa vha nga mu vhudzisa naa. A ri, "Ee."

²³⁹ Vha ri, "Murathu Best, naa madzina a Yehova a thengululo o vha o livhanywa na Yesu? 'Ee' kana 'hai'?"

²⁴⁰ Khanedzano ya fhela. Zwa vha zwo fhela. Ndi a ni vhudza, ndo sokou pfa tshiñwe tshithu tshi tshi fhira kha nne. Heļo a tho ngo vhuya nda li elekanya, nne nga lwanga, ni a vhona. Huno nda elekanya, "Yawee, nnenñe, ha koni u fhindula! Zwi a li ladza."

Vha ri, "Zwo ralo, Dokotela Best, ndo—ndo mangala."

A ri, "Heļo ndi do li ḥogomela!"

²⁴¹ Vha ri, "Ndi mangala uri naa ni nga kundelwa u fhindula mbudziso yanga i leluwesaho naa." Vho vha vho rotholelwasa khukhamba, huno vho vha vha tshi divha vhuimo havho. Ngauralo-ha vha sokou dzula fhasi henehala vho tou shumisa lwonolula Luñwalo fhedzi.

Vha ri, "Dzhiani minithi yañu ya mahumi mararu, ndi do fhindula nga murahu ha hezwo!"

²⁴² Huno mualuwa Mukomana Bosworth vha dzula henehala vha dzhia luļa Luñwalo vha dzenisa ula munna kha nzulele ye tshifhantuwo tshawe tsha tswukuluwa īwe na vha ni tshi nga funga mulilo khatsho, zwa ḥodou ralo.

²⁴³ A takuwa fhaļa, o sinyuwa, a hasekanya mabammbiri fhasi, a swika fhaļa a nea theroyavhuđi ya Vhakhemphubelaithi. Ndo

vha ndi Mubaphuthisi, ndi a ḋivha zwine vha tenda. Ho ngo vhuya a... O vha a tshi khou rera nga ha mvuwo, ‘huno musi u sina hohu hu tshi ḍo ambara u sa sina,’ ndi hone ri tshi ḍo vha na phodzo ya Muya.” Yawee, tshukhw! Phodzo ya Muya ri i ṭodelani nga murahu ha musi ro no ambara u sa sina (“musi u sina hohu hu tshi ambara u sa sina,” mvuwo ya vhafu)? Nahone o ḍo timatima vhuṭolo he Yesu a ita kha Lazaro, a ri, “O dovha a fa, huno hezwo zwe vha zwi zwa tshifhinganyana.” Ni a vhona?

²⁴⁴ Huno musi a tshi fhedza ngauralo, a ri, “Disani uyo mufhodzi a bvaho Mudzimuni ndi vhone-ha a tshi shuma!”

²⁴⁵ Huno zwenezwo vha mbo imanyana. Mukomana Bosworth a ri, “Ni a mmangadza, Murathu Best, ni tshi kundelwa u fhindula mbudziso nthihi ye nda ni vhudzisa.”

²⁴⁶ Huno ngauralo a da a halifha vhukuma, a ri, “Disani uyo mufhodzi a bvaho Mudzimuni huno ndi vhone-ha a tshi shuma!”

Vha ri, “Murathu Best, ni a tenda kha u tshidzwa ha vhathe?”

A ri, “Zwa vhukuma!”

Vha ri, “Naa ni a ṭoda u vhidzwa mutshidzi a bvaho Mudzimuni?”

A ri, “Na khathihi!”

²⁴⁷ “Na zwino... Na zwino hezwo zwa u rera nga ha u tshidzwa ha maya zwinga si ḍo ni ita mutshidzi a bvaho Mudzimuni.”

A ri, “Zwino, na khathihi!”

²⁴⁸ Vha ri, “U rera nga ha phodzo ya Muya ya muvhili a zwi iti uri Mukomana Branham vha vhe mufhodzi a bvaho Mudzimuni. A vha mufhodzi a bvaho Mudzimuni, vha tou sumbedza vhathe Yesu Kristo.”

²⁴⁹ Huno a ri, “Kha vha mu ḋise, ndi vhone-ha a tshi shuma! Kha ndi vhone vhathe, nga murahu ha ḥwaha u bva ḥamusi, huno ndi ḍo vha vhudza arali ndi tshi ḍo Li tenda kana hai.”

²⁵⁰ Mukomana Bosworth vha ri, “Murathu Best, helo li pfala li tshi nga ndi ḥinwe fhungo la ngei Khalivari, ‘Itsani kha Tshifhambano huno ri ḍo Ni tenda.’” Ni a vhona?

²⁵¹ Huno ngauralo, yawee, a mbo di dinalea u fhira mpimo. A ri, “Kha ndi vhone-ha a tshi shuma! Kha ndi vhone-ha a tshi shuma!” Vhalangi vha khanedzano vha mu dzudza phasi. A ya ngei phanda, huno ho vha hu na mureri wa Mupentekostala o imaho henehafa, a sokou mu rwa a sa imi a tshi buđekanya pulatifomo. Huno ngauralo vho mbo mu dzivhisa na zwenezwo. (Ngauralo Mukomana Bosworth vha ri, “Fhano, fhano! Hai, hai.”) Ngauralo vhalangi vha khanedzano vha mu dzudza phasi.

²⁵² Raymond Richey a takuwa, a ri, “Naa uvhu ndi hone vhudifari ha Khuvhangano ya Baphuthisi ya Tshipembe?” A ri, “Vhoinwi vhafunzi vha Vhabaphuthisi, naa Khuvhangano ya

Baphuthisi ya Tshipembe yo rumela uyu munna ngeno kana o tou da nga e^{the}?" Vha si kone u fhindula. A ri, "Ndo ni vhudzisa!" O vha a tshi vha divha, nga muthihi nga muthihi.

²⁵³ Vhone vha ri, "O da nga e^{the}." Ngauri ndi a divha uri Vhabaphuthisi vha tenda kha phodzo ya Muya, na vhone-vho. Ngauralo-ha a ri, "O da nga e^{the}."

²⁵⁴ Ngauralo-ha tshe tsha itea ngetshi. Mukomana Bosworth vho mbo ri, "Ndi a divha uri Murathu Branham u tshumeloni, arali a tshi tama u da a vhofholola vhathetshelesi, ndi zwavhu^di nga maanda."

Huno Howard a ri, "Inwi dzulani ni tou pfembe!"

Nda ri, "Ndo dzula ndo tou pfembe."

²⁵⁵ Huno nga tshenetsho tshifhinga Tshiⁿwe tsha da henehala, tsha thoma u mona, huno nda zwi divha zwauri ho vha hu Muruⁿwa wa Murena, a ri, "Takuwani!"

²⁵⁶ Vhatu vhane vha ^loda u fhira ma^ldanu vha farana nga zwanda nga ndila *heyi*, vha ita deu, vha tsela fhasi vha da ngeno pu^latifomomi.

²⁵⁷ Nda ri, "Khonani, a thi mufhodzi a bvaho Mudzimuni. Ndi mukomana wa vhoiwi." Nda ri, "Murathu Best, nga nn^aha . . ." Kana, "Murathu Best," nda ri, "nga nn^aha u ni nyadza, murathu wanga, na khathihi. Ni na ndugelo ya u hulisa zwine na tenda zwone, unga nne." Nda ri, "Ngauri, ni a zwi vhone zwauri a no ngo kona u tikedza, mbuno yanu, nga Mukomana Bosworth. Nahone a no ngo koniswa nga muthu ufhio na ufhio o fhendaho Bivhili, a no divha zwithu hezwo." Huno nda ri, "Kha fhungo la u fhodza vhatu, a thi koni u vha fhodza, Murathu Best. Fhedzi ndi wanala henehfa vhusiku vhuⁿwe na vhuⁿwe, arali ni tshi ^loda u vhone Murena a tshi ita ma^ldembe, idani ngeno. U ya a ita vhusiku vhuⁿwe na vhuⁿwe."

²⁵⁸ Huno a ri, "Ndi tama u vha vhone vha tshi fhodza muⁿwe muthu huno-ha vha ntendele ndi tshi vha vhone! Vha nga di vha ededza nga khofhe dzavho, fhedzi" a ri "Ndi tama u zwi vhone nga murahu ha nwaha!"

Nda ri, "Ndi zwone, ni do vha na ndugelo ya u vha lingulula, Murathu Best."

²⁵⁹ A ri, "A hu na tshithu nga nn^aha vhoiwi tshigwada tsho tsilufhalaho tsha vhakhethwa vha vhumbuluwaho fhasi vhane vha tenda kha zwithu zwe raloho. Vhabaphuthisi a vha tendi kha zwithu zwi si na mudzio."

²⁶⁰ Mukomana Bosworth vha ri, "Imani lwa tshifhinganyana." Vha ri, "Ndi vhatu vhangana afho, tshumeloni dza dzino vhege mbili fhano, vhane vha vha na vhudavhidzani havhu^di na izwi zwivhidzo zwavhu^di zwa Vhabaphuthisi fhano Houston, vhane vha nga ^lanziela zwauri vho fhodzwa nga Mudzimu Ramaandao^lhe musi Murathu Branham e fhano?" Huno vhatu

vhane vha fhira mađana mararu vha takuwa. Vha ri, "Hu nga pfi mini nga ha izwo?"

²⁶¹ A ri, "A si Vhabaphuthisi!" A ri, "Muthu muňwe na muňwe a nga ḥanziela nga ha tshiňwe na tshiňwe, hezwo a zwi iti uri zwi vhe zwone!"

²⁶² Vha ri, "Fhongo ḥa Mudzimu li ri ndi zwone, huno ni nga si kone u li landula. Huno vhathu vha ri ndi zwone, huno ni nga si kone u zwi shandukisa. Ngauralo ni ḫo ita mini nga Hatsho?" Ni a vhona, nga ndila yeneyo.

²⁶³ Nda ri, "Murathu Best, ndi amba fhedzi tshine tsha vha Ngoho. Huno arali ndi wa ngoho, Mudzimu o tea u tikedza Ngoho." Nda ri, "Arali A si... Arali A sa tikedzi Ngoho, izwo a si ene Mudzimu." Huno nda ri, "A thi fhodzi vhathu. Ndo bebwa na—na tshifhiwa tsha u vhona zwithu, u vhona zwi tshi itea." Nda ri, "Ndi a zwi ḫivha zwauri a thi pfeseswi, fhedzi a thi koni u ita tshithu u fhira uri ndi khunyeledze tshine mbilu yanga ya tshi tenda." Nda ri, "Ndi a tenda zwauri Yesu Kristo o vuwa vhafuni. Huno arali Muya u no da wa sumbedza mabono na zwinwe-vho, arali izwo zwi tshi vhudzisiwa, idani ni ḫodisise." Nda ri, "Ndi zwenezwo fhedzi." Fhedzi nda ri, "Fhedzi u itela nne muňe, a thi koni u ita tshithu nga nne muňe." Huno nda ri, "Arali ndi tshi amba Ngoho, Mudzimu u tea u ntikedza, u ḥanziela uri Itsho ndi Ngoho."

²⁶⁴ Huno tshiła tshifhinga tshi tshi ḫodou swika, Tshiňwe tsha ri, "Whoooossssh!" Ngoyu U khou da, a tshi tsa zwavhuđi. Huno vha American Photographer Association, ine ya vha Douglas Studios ngei Houston, Texas, vhe na khamera khulwane yo dzulaho henefhaļa (a vha tendelwi u dzhia zwifanyiso), vha dzhia tshifanyiso.

²⁶⁵ Musi vho vha vhe henefhaļa u dzhia zwifanyiso zwa Vho-Best, ene—ene a ri, musi ndi sa athu tsela ngeyo, a ri, "Imani lwa tshifhinganyana! Ndi na zwifanyiso zwa rathi zwa mutengo wa ntha zwi no khou da fhano!" A ri, "Hafha, dzhiani tshifanyiso tshanga zwino!" Huno a dzenisa munwe wawe ningoni ya uļa munna mukhethwa wa kale, nga ndila heyi, a ri, "Zwino nnzhieni tshifanyiso!" Huno vha ita ngauralo. A mbo puta vili lawe a li imisela ntha, a ri, "Zwino nnzhieni tshifanyiso!" Huno vha tshi dzhia nga u tou ralo. Zwenezwo o mbo ita ngauralo, uri a dilugisele u dzhiwa tshifanyiso. A ri, "Ni ḫo vhona hetshi magazinini wanga!" nga ndila heyi.

²⁶⁶ Mukomana Bosworth vha ima heneffo huno vha sa ambe tshithu. Zwenezwo vha sokou dzhia tshifanyiso tsha Hetshi.

²⁶⁷ Ndilani ya u ya hayani vhusiku honoho, (mutukana wa Mukaṭolika a tshi dzhia), a ri kha hoyu muňwe mutukana, a ri, "Ni elekanya'ni nga ha Itsho?"

²⁶⁸ A ri, "Ndi a ḫivha zwauri ndo mu sasaladza. Vhula vhlwadze ha gulokulo he ha ḥuwa mukuloni wa uļa

mufumakadzi, ndo ri o mu kanganyisa muhumbulo.” A ri, “Ndi nga kha di vha ndo poidza kha helo.”

A ri, “Ni elekanya’ni nga ha itsho tshifanyiso?”

“A thi divhi.”

²⁶⁹ Vha tshi dzenisa kha esidi. Khetshi tshifanyiso tshawe, ni nga kha di mu vhudzisa arali ni tshi funa. Vha ya hayani, ene a dzula henehala a daha sigarete. A dzena a bvisa tshiñwe tsha Mukomana Bosworth, tsha vha tshi murunzi. A bvisa tsha vhuvhili, tsha vhuraru, tsha vhuna, tsha vhuñanu, tsha vhurathi, huno-ha tshiñwe na tshiñwe tshazwo tsho vha tshi si na tshithu. Mudzimu o vha a si nga tendeli u dzhiwa ha tshifanyiso tsha munna Wawe mukhethwa wa kale o ima henehala na uña mudziaudiitisa, na ningo yawe, kana tshanda, vili li tshi khou dzinginyea nga fhasi ha ningo yawe ngaurala. Ho ngo zwi tendela.

²⁷⁰ Vha bvisa tshi tevhelaho, huno Tsha mbo bvelela. Uyo munna o mbo farwa nga vhulwadze ha mbilu, vho amba ngauralo, vhusiku honoho.

²⁷¹ Huno vho rumela uyo murunzi ngei Washington, D.C. Wo mbo tsireledzwa nga mulayo wa u kopolola, wa humiselwa murahu.

²⁷² Huno George J. Lacy, ene muhulwane wa F.B.I. siani la khandiso ya magunwe na mañwalwa, na zwiñwe-vho, muñwe wa vhahulwane vha re hone lifhasini loþhe, a diswa henehala a fhedza maðuvha mavhili e khazwo zwa u lingulula khamera, mbone, na zwiñwe zweþhe. Huno musi ri tshi da masiari ayo, a ri, “Vhafunzi Vho-Branham, na nñe, ndo vha musasaladzi wavho.” A ri, “Huno ndo ri ho vha hu vhuñali ha muhumbulo, muñwe o amba la uri vho vhona Mbone na zwithu zwi no nga zwenezwo.” Huno a ri, “Vha a divha, mudziaudiitisa wa kale o vha a tshi anzela u amba zwenezwo” (o vha a tshi khou amba muitazwiyhi) “hezwo zwifanyiso zwi re hone, tshi la tshitendeledzi tsha tshedza kha Kristo, kha vhakhethwa,’ a ri ‘yo vha i tshi tou vha vhuñali ha muhumbulo fhedzi.’” Fhedzi a ri, “Vhafunzi Vho-Branham, ito la mutshini la iyi khamera li nga si dzhie vhuñali ha muhumbulo! Tshedza tsho thavha dzilensi, kana tsha þavha murunzi, huno khetsho afho he Tsha vha tshi hone.” Huno a ri . . .

²⁷³ Nda vha ñekedza tshone. Ene a ri, “Oo, vhokhotsi, naa vha a divha ndeme ya itsho?”

Huno nda ri, “Hu si kha nñe, murathu, hu si kha nñe.” Huno ngauralo a ri . . .

²⁷⁴ “Ngauri, a zwi nga vhi na mushumo musi ni tshi kha di tshila, fhedzi liñwe duvha, arali mbonyoloso i tshi bvela phanda na Vhukriste vhu tshi kha di vha hone, hu do itea tshiñwe tshithu maelana na hezwi.”

²⁷⁵ Ngauralo, khonani, madekwana ano, arali heyi i tshumelo ya u fhedzisela fhano phasi, nne na vhone ro dzula Hune Mudzimu Ramaandaothe a vha hone. Vhuțanzi hanga ndi ha ngoho. Zwinzhi, zwithu zwinzhi, zwi tshi nwalwa zwi nga dadza dzivolumu dza dzibugu, fhedzi ndi ḥoda uri ni ḫivhe.

²⁷⁶ Ndi vhangana fhano nga ngomu vhane zwa vhukuma, nga nnanda ha tshifanyiso, vha vha vho no vhone Tshedza Tshone tshīne tsho ima he nda vha ndi tshi khou rera? Imisani zwanda zwanu, hothe ngomu ha tshifhaṭo, muñwe na muñwe we a vhuya a Tshi vhone. Vhonani, zwanda zwi ḥodou swika malo kana fumi zwa vho dzulaho fhano.

²⁷⁷ Ni ri, “Vho vha—vho vha vha tshi do Tshi vhone huno nne ndi si Tshi vhone?” Ee, muñe wanga.

²⁷⁸ Ila—ila Naledzi ye vhanna vha vhuṭali vha vha vha tshi khou i tevhela, yo fhira nga n̄tha ha fhethu huñwe na huñwe ha u ḥola. A hu na o I vphonaho nga nn̄da ha vhenevho. Ndi vhone fhedzi vho I vphonaho.

²⁷⁹ Eliya o vha o ima henefhala o sedza goloi dzila dzothe dza mulilo, na zwinwe zwithu zweṭhe. Huno Gehasi a sedza thungo dzothe a si kone u dzi vhone huñwe fhethu. Mudzimu a ri, “Bonyolola maṭo awe uri a kone u vhone.” Huno-ha a dzi vhone, ni a vhone. Fhedzi o vha e mutukana wavhudzi, o ima henefhala a tshi khou sedza thungo dzoṭhe, fhedzi ho ngo kona u zwi vhone. Zwa vhukuma. Vhañwe vho ḥewa uri vha vhone, huno vhañwe a vho ngo ḥewa. Iyo ndi ngoho.

²⁸⁰ Fhedzi zwino vhoiwi ni sa athu Tshi vhone na khathihi, ni sa athu vhuya na Tshi vhone, na vhoiwi vhe na Tshi vhone nga iṭo lanu la ḥama huno na vha ni sa athu vhone tshifanyiso, naho zwo ralo vhane vha vhone tshifanyiso vha na vhuṭanzi vhuhulwane u fhira vhoiwi vhe na Tshi vhone nga iṭo lanu la ḥama. Ngauri inwi, nga iṭo lanu la ḥama, ni nga kha di vha no khakha, hu nga kha di vha ho vha fhedzi n̄dila yo khakheaho ya u vhone zwithu. Naa ndi zwone? Fhedzi Iyo a si n̄dila yo khakheaho ya u vhone zwithu, Heyo ndi Ngoho, hune ḥodisiso dza saintszi dza ḥanzieluuri Iyo ndi Ngoho. Ngauralo ndi Murena Yesu o itaho hezwi.

“Vha humbula uri Itsho ndi mini-ha,” ni ralo, “Mukomana Branham?”

²⁸¹ Ndi tenda zwauri Ndi yeneila Khayhu ya Mulilo yo rangaho phanda vhana vha Israele u bva Egipita u ya Palestina. Ndi tenda zwauri Ndi onoula Muruñwa wa Tshedza we a dzhena ngomu—ngomu khothoni nahone a dzhena a da kha Petro Mukhethwa a mu kwama, huno a ya phanda a vula vothi a mu bvisela nn̄da tshedzani. Huno ndi tenda uri Ndi Yesu Kristo a sa shanduki wa mulovha, ḥamusi, na u ya nga hu sa fhelii. Amene! U kha di vha ene Yesu ḥamusi sa zwe A vha e zwone mulovha. U do dzula e onoula Yesu u ya nga hu sa fhelii.

²⁸² Huno zwino ndi tshi khou amba nga Hatsho, tshenetshila Tshedza tshi re kha tshifanyiso tshiła tshi re kha... tshi re maga a sa fhiri mavhili u bva hafha he nda ima hone zwa zwino. Ndi zwone. A thi koni u Tshi vhona nga anga—anga maṭo, fhedzi ndi a zwi ḋivha zwauri Tsho ima henefha. Ndi a zwi ḋivha zwauri Tsho fhatela ngomu kha nne nga tshino tshifhinga. Oo! Arali no vha ni tshi nga ḋivha fhedzi phambano ya musi maanda a Mudzimu Ramaandaothe a tshi fara, na ndila ine zwithu zwa vhonala zwe shanduka!

²⁸³ Heyo ndi khaedu, kha muñwe na muñwe. Ndo vha ndi sa khou ya u rabelela vhalwadze, ndo vha ndi tshi khou ya u ita mushumo wa u dinekedza. Fhedzi bono li kha vhathe. Uh-huh. Mudzimu u a zwi ḋivha. A thi nga do ita khuelelo ya uri vhathe vha rwe muduba wa uri vha rabelelwe, ndi do vha litsha vho didzulela henefho. Ndi vhathe vhangana kha vhoinwi vhanе vha si vhe na garaṭa ya u rabelelwa? Kha ri vhone tshanḍa tshanu, muñwe ane a si vhe na garaṭa ya u rabelelwa, ane a si vhe na garaṭa ya u rabelelwa.

²⁸⁴ Inwi mufumakadzi wa mukhaladi o dzulaho hafha, ndo zwi vbona uri no vha no imisa zwanda zwanu. Naa ndi zwone? Imani nga milenzhe uri ndi koné u ni bvisela khagala lwa tshifhinganyana. A thi divhi zwine Muya Mukhethwa wa do amba, fhedzi no nndavhelesa nga u fulufhedzea zwihiulu. A ni na garaṭa ya u rabelelwa? Arali Mudzimu Ramaandaothe a tshi nga nndzumbululela vhuleme hanu... Ndi khou ita hezwi fhedzi uri ndi thome, uri ndi thome fhedzi. Ni a ntenda uri ndi... Ni a ḋivha zwauri a hu na tshithu... a hu na tshithu tshi re tshavhudzi maelana na nne. Arali ni mufumakadzi o malwaho, a thi fhiri munna wanu. Ndi muthu zwawe. Fhedzi Yesu Kristo ndi Murwa wa Mudzimu, huno O rumela Muya Wawe u khwaṭhisedza zwithu hezwi.

²⁸⁵ Arali Mudzimu a tshi nga mmbudza uri mulandu wanu ndi mini (huno ni a zwi ḋivha zwauri na khathihia a hu na ndila ine ndi nga kwamana na inwi ngayo), naa ni do tenda nga mbilu yanu yothe? [Khaladzi u amba vhudipfi hawe—Mudzudzanyi.] Mudzimu a ni fhatutshedze. Zwino-ha mutsiko wa malofha anu wo ni tutshela. Ndi tshe na vha ni natsho. Naa zwe vha zwi si zwone? Zwino-ha dzulani fhasi.

²⁸⁶ Tendani lenelo luthihi fhedzi! Ndi itela muñwe na muñwe khaedu yauri a Tshi tende.

²⁸⁷ Vhonani hafha, edzonu ri ndi ni vhudze tshiñwe tshithu. Mariṭa, a tshi da kha Murena Yesu. Hetsho tshifhiwa tsho vha tshi tshi do vha tshi songo shuma... Nga murahu ha musi Khotsi o no di Mu sumbedza zwe A vha a tshi khou ya u ita. Tsho vha tshi tshi do vha tshi songo shuma. Fhedzi a ri, “Murena, ndi... Arali Wo vha u fhano, khaladzi anga o vha a tshi do vha a songo

lovha.” A ri, “Fhedzi ndi a zwi ḋivha zwauri na zwino tshiñwe na tshiñwe tshire Wa humbela Mudzimu, Mudzimu u do U nea.”

²⁸⁸ A ri, “U Vuwa na Vhutshilo ndi nné, ane a Ntenda u do tshila, naho o lovha. Huno a tshilaho a tshi tenda kha Nné ha nga lovhi. Naa izwo ni a zwi tenda naa?”

²⁸⁹ Thetshelesani tshe a tshi amba. O ri, “Ee, Murena. Ndi tenda zwauri tshiñwe na tshiñwe tshe Wa tshi amba ndi Ngoho. Ndi tenda uri U Murwa wa Mudzimu we a tea u da shangoni.” Ndi ndila ye a da ngayo, ya u ḋitukufhadza.

Ni pfa hu na tshanduko, kani a zwo ngo ralo, mufumakadzi? Ee. Ndi zwone.

²⁹⁰ Musidzana o dzulaho hafhala, henengeyo tsini hanu, na inwi-vho, u dinwa nga vhulwadze ha zwinungo na vhuleme ha tshisadzini. Naa a si zwone, mufumakadzi? Imani lwa tshifhinganyana, musidzana o ambaraho rokho tswuku. No vha ni tsini, bono lo ni dela. Vhulwadze ha zwinungo, vhuleme ha tshisadzini. Naa ndi zwone? Huno tshiñwe tshithu khetshi vhutshiloni hanu (ni na—ndo ni sedza zwavhudzi): ni na u vhilahela nga maanda vhutshiloni hanu, vhuleme vhunzhi. Huno vhuleme uho vhu kwama mufunwa wanu, ndi munna wanu. Ndi tshidakwa. Ha funi u ya tshivhidzoni. Arali izwo zwi zwone, imisani tshanda tshañu. Mudzimu a ni fhaṭutshedze, mufumakadzi. Iyani hayani zwino huno ni ṭanganedze phaṭutshedzo yanu. No fhola, tshedza tsho ni tingeledza.

²⁹¹ Munna o dzulaho heneffo tsini na ene. Vhone, mune wanga, vha a tenda? [Mukomana u ri, “Ee. Ndi ralo.”—Mudzudzanyi.] Nga mbilu yavho yothe? [“Ee, mune wanga.”] Vho xelewla nga tshiñwe tsha zwipfi zwavho. Itsho ndi tshipi tsha u nukhedza. Kani a si zwone? Arali zwi zwone, kha vha dzungudze tshanda tshavho. [“Ndi zwone.”] Kha vha vhee tshanda tshavho mulomoni wavho, nga ndila *heyi*, vha ri, “Murena Yesu, ndi a U tenda nga mbilu yanga yothe.” [“Murena Yesu, ndi a U tenda nga mbilu yanga yothe.”] Mudzimu a vha fhaṭutshedze. Kha vha tshimbile zwino. Vha do ṭanganedza phodzo yavho.

²⁹² Ivhani na lutendo lwa u tenda Mudzimu! Vhoinwi nothe ni re ngeyo murahu, ni elekanya’ni nga Hatsho? Ni a tenda? Sumbedzani thompho!

²⁹³ Hu na mufumakadzi o dzulaho ngeyo murahu khuḍani. Ndi khou vhona tshiila Tshedza tsho angalala nga n̄tha hawe. Ndi yone ndila i yothe ine ndi nga amba uri mulandu ndi mini maelana natsho, hetsho Tshedza tsho angalalah. Tshedza *tshenetschi* tshi re fhano tsho angalala nga n̄tha ha mufumakadzi. Khamusi zwi nga dzhia tshifhinganyana fhedzi, arali ndi tshi nga kona u vhona uri naa ndi mini. Tshi do vunda... Mufumakadzi u vhaiswa nga—nga vhulwadze ha mbilu. O sedza ngeno kha nné.

²⁹⁴ Huno munna wawe o dzula tsini hawe. Huno munna wawe o farwa nga vhuñwe vhulwadze, u kha ñi bva u thoma u lwala, o ḥanganana, u a lwala. Kani a si zwone, mune wanga? Kha vha imise zwanda zwavho arali izwo zwi ngoho. Ndi zwone, ndi vhone, mufumakadzi, vha re na tshikhafunyana henengeyo. Vhokhotsi, kani a si zwone? Naa a vho ngo sokou pfa vho ḥanganana ḥamusi? Dangani havho ho rithea, vhone munna. Ndi zwone.

²⁹⁵ Vha a tenda nga mbilu dzavho dzoñhe, vhuvhili havho? Vha a Tshi ḥanganedza? Muñe wanga, ndi a vha vhudza, na vhone-vho, ndi a vha vhone vho imisa tshanda tshavho, nñowelo ya u daha. Kha vha litshe u ita hezwo. Vha dahan dzisigareñe khulwane, a vho ngo tea u ita hezwo, zwi a vha lwadza. Kani a si zwone? Arali zwi zwone, kha vha dzungudze tshanda tshavho ngaurali. Ndi zwone zwi no vha fhiritanya. Zwi shuma nga ndila yo vhifhaho kha vhuñaledzi havho. Kha vha lañe tshithu tsho vhifhaho kule nahone vha songo tsha tshi ita, huno vha ño tshi kunda vha dzulisea tshoñhe, huno vhulwadze ha mufumakadzi wavho ha mbilu vhu do vha tutshela. Naa vha a zwi tenda? Kani a si zwone? A thi koni u vha vhone ndi hafha, na vhone vha a zwi ñivha, fhedzi vho hwala dzisigareñe khulwane kha... ngomu—ngomu tshikwamani tshavho tsha phanda. Ndi zwone. Kha vha bvise zwithu hezwo huno vha vhee tshanda tshavho kha mufumakadzi wavho, vha vhudze Mudzimu zwauri vho fhedza nga ha zwithu zwo raloho, vha ño ya hayani zwavhuñi, vhone na mufumakadzi wavho vha ño fhola. Nga hu rendwe Dzina la Murena Yesu!

Vha a tenda nga mbilu dzavho dzoñhe?

²⁹⁶ Hoyu musidzana o dzulaho hafha o sedzaho kha nñe ngeno. Inwi a re kha... hafho tshiduloni tshi re nga phanda fhano, o dzulaho hafhano. Musidzana a re na... o ntzedzaho, o dzulaho hafhano. A ni... Ni na garaña ya u rabelelwa, mufumakadzi, henefhano? A ni na garaña ya u rabelelwa? Ni a tenda nga mbilu yanu yoñhe? Ni a tenda zwauri Yesu Kristo a nga ni fhodza?

²⁹⁷ Ni humbula mini nga Hatsho, inwi no dzulaho tsini nae? Naa ni na garaña ya u rabelelwa, mufumakadzi? A ni na? Ni khou ḥoda u fhola, na inwi-vho? Naa a ni takaleli u dovha na yo la u fana na zwe na vha ni tshi anzela u ita, na si tsha dinwa nga dangani? Ni a tenda uri Yesu u a ni fhodza zwino? Takuwani arali ni tshi tenda uri Yesu Kristo o ni fhodza. No vha ni na tshilonda dangani, zwo vha zwi songo ralo naa? Tshi vhangwa nga nyimele ya vhuñaledzi. No vha wa u vhilahela tshifhinga tshilapfu. Nga maandamaanda esidi na zwiñwe-vho, kana ndi khou amba uri i sika esidi, nahone ya ita uri mano a reme musi ni tshi vhuisa zwiliwa zwañu mulomoni wañu. Heyo ndi ngoho. Ee, muñe wanga. Ndi tshilonda tsha dangani, tshi vha tshi fhasi thumbuni yanu. Tshiñwe tshifhinga tshi a fhisia nga maandamaanda musi no la tshinnkwa tsho gotshwaho tshi re na bodoro. Naa ndi zwone? A thi khou vhala muhumbulo

wañu, fhedzi Muya Mukhethwa a u khakhi. Zwino no fhola. Iyani hayani, ni takale.

²⁹⁸ Ndi mini ni tshi yela thungo iyi? Vhañwe vha vhoiñwi henengeyo vha si na garaña ya u rabelelwa, imisani tshanda tshañu. Muñwe muthu ane a si vhe na garaña ya u rabelelwa. Ho luga, ivhani na khuliso, tendani nga mbilu yañu yoþhe. Afho kha zwidulo zwi re nthä? Ivhani na lutendo lwa u tenda Mudzimu.

²⁹⁹ Ndi nga si kone u ita hezwi nga nne muné, ndi nga tshilidzi Tshawe tshihuluhulu fhedzi. Ni a tenda? Ndi kona u amba fhedzi musi A tshi ntsumbedza. Lutendo lwañu lu tshi... Ndi amba hezwo u dzinginyisa lutendo lwañu, na u vhona-ha uri U ðo nkhadela'phi. No no zwi limuwa izwi—izwi zwauri hoyu a si mukomana wa vhoiñwi? No ima Hune A vha hone. A si nne a no khou ita hezwi, ndi lutendo lwañu lu no khou ita uri Tshi shume. A thi koni u ita uri Tshi shume. Ndi lutendo lwañu lune lwa khou zwi shuma. A thi na ndila ya u ita uri Tshi shume. Imani lwa tshifhinganyana.

³⁰⁰ Ngomu khudani heyi ndi vhona munna wa mukhaladi o dzula heneffo, u vhonala o aluwa, o ambara mangilasi. Vha na garaña ya u rabelelwa, muné wanga? Kha vha ime nga milenzhe yavho lwa tshifhinganyana. Vha a tenda zwauri ndi mulanda wa Mudzimu, nga mbilu yavho yoþhe? Vha khou elekanya nga ha muñwe muthu-vho, naa a vha khou ita ngauralo? Arali izwo zwi zwone, kha vha dzungudze tshanda tshavho. Hu si nga mulandu wa uri hu nne, murathu wavho. Zwino, a vha na garaña ya u rabelelwa. Ho vha hu si nga vhi na ndila ya uri vha dzhene mudubani, ngauri a vha na garaña ya u rabelelwa. Zwino, arali muñwe wavho e na garaña dza u rabelelwa, a songo—a songo—a songo takuwa, ni a vhona, ngauri u ðo wana tshifhinga tsha u dzhena mudubani.

³⁰¹ Fhedzi ndi vhona tshiila Tshedza tsho angalala zwatsho khavho. Bono a li athu bvelela. A thi koni u vha fhodza, mukomana, a thi koni. Ndi Mudzimu e ethe ane a nga kona u ita hezwo. Fhedzi vhone—vhone—vhone vha na lutendo. Vha khou tenda. Huno hu na tshinwe—tshinwe tshithu, tsho—tsho i vhangaho, nga inwe ndila.

³⁰² Arali Mudzimu Ramaandothe a tshi nga vhudza uyu munna uri vhuleme hawé ndi mini, naa vhoiñwi no salaho ni ðo tanganedza phodzo ya vhoiñwi? Munna khoyo, zwavhuðisa o ima yadi dza fumi, fumithanu u bva kha nne, a thi athu mu vhona vhutshiloni hanga. Ú sokou vha munna zwawe o imaho heneffo. Arali Mudzimu Ramaandothe a tshi nga dzumbulula uri ho khakhea'ni kha hoyo munna, muñwe na muñwe wa vhoiñwi u tea u bva fhano e muthu o takalaho. Ndi mini tshi fhiraho itsho tshire Mudzimu a nga ita? Naa ndi zwone?

³⁰³ Muné wanga, a hu na tsho khakheaho khavho. Vha shaya nungo, vha a ði vuwanyana vhusiku, vha fhela maanda na

zwiñwe-vho, fhedzi hovho a si hone vhuleme havho. Vhuleme havho vhu maelana na mutukana wavho. Mutukana u huñwe fhethu ha muvhuso hune ha londotwa vhathu, huno u na vhutshilo vhuvhili. Naa ndi zwone? Kha vha dzungudze tshanđa tshavho arali izwo zwi zwone. Hezwo ndi zwone ngangoho.

³⁰⁴ Ndi vhangana vha no tenda zwino zwauri Yesu Kristo Murwa wa Mudzimu o ima henefha? Kha ri takuve ri nekedze thendo nahone ri t̄anganedze phodzo yashu.

³⁰⁵ Mudzimu Ramaandaothe, Musimuli wa Vhutshilo, Muñei wa tshifhiwa tshinwe na tshinwe tshavhudī, U hone fhano, Murena Yesu Kristo a sa shanduki, onoyo wa mulovha, ñamusi, na u ya n̄ga hu sa fheli.

³⁰⁶ Huno, Sañhane, wo tamba nga havha vhathu tshifhinga tshilapfu lwo kalulaho, ibva khavho! Ndi a u laya nga Mudzimu a tshilaho ane Vhuhone Hawe ha vha hone fhano zwino nga tshivhumbeo tsha Khavhu ya Mulilo, litsha vhathu havha! Nahone ibva khavho, Dzinani la Yesu Kristo!

³⁰⁷ Muñwe na muñwe wa vhoiñwi kha imisele zwanda zwawe n̄tha a rende Mudzimu, huno a t̄anganedze phodzo yawe, nga muthihi nga muthihi. [Tshivhidzo tshi renda Mudzimu—Mudzudzanyi.]



N_DIILA YE MURUNWA A D_A KHA N_{NE}, NA NDAELA YAWE TSV55-0117
(How The Angel Came To Me, And His Commission)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Musumbuluwo, Phando 17, 1955, kha Lane Tech High School ngei Chicago, Illinois, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org